

لينين الرصاص

أفلا يبلووات

0217478



Библиотека Александрина

اهلا يابكوات

DL

رقم الإبداع : ٨٩/٨٩٨٧
حقوق الطبع محفوظة للمؤلف
التنفيذ : عبير شكرى على
الصف التصويرى / سينا للنشر
طبع بالمركز المصرى العربى

إهداء

إلى الفنان محمود ياسين

لينين الرملى

تقديم

الدكتور: على الراعى

أهلاً يا لينين الرملى..!


BIBLIOTHECA ALEXANDRINA
مكتبة الإسكندرية

واضح أن لينين الرملى كان يفكر فى «أهل الكهف» وهو يكتب «أهلاً يا بكوات» . الموضوع العام للمسرحيتين واحد: الزمن. كيف نعامله؟ هل نستطيع أن نتغلب عليه؟ هل نملك أن نتفاداه؟ هل بوسعنا أن نطوره ونغير من مساره؟ أم نحن مجبرون على قبوله، والخضوع له ؟

فى مسرحية الحكيم يلجأ أهل الكهف إلى مخبئهم هرباً من القهر الدينى. يدخلون ليناموا، فيطول بهم النوم ثلاثة قرون وتسعة أعوام. فإذا أفاقوا وجدوا الحاضر الذى هربوا منه قد أصبح ماضياً بعيداً، تاريخاً معنأً فى النأى. أما الحاضر الذى يواجهونه بعد الخروج من الكهف فهو المستقبل البعيد الذى لم يكونوا يتخيلونه قط، والذى أصبح يواجههم كتحدٍ عنيد: إما التكيف معه، وإما العودة إلى ظلام الكهف.

وفى مسرحية لينين الرملى يسقط «برهان» و «نادر» فى كهف آخر، ينتمى إلى ماضٍ عمره قرنان، ويواجه الاثنان التحدى العنيد ذاته الذى واجه أهل الكهف: التكيف أو الهلاك، كما يرى «برهان» والتطور أو العدم كما يرى «نادر». وفى الحالتين يجد الرجلان نفسيهما فى وضع فانتازى طريف بقدر ما هو مخيف. عليهما أن يسبحا مع الزمن ليسحبا المجتمع المتخلف الذى سقطا فى بثره من ظلام الفكر الغيبى والتصرف المتواكل، إلى عصر الكهرباء والذرة

والعقول الإلكترونية. غير أن المخيف حقاً أنهما حتى لو حققا هذا لكان كل ما فعلاه هو الوصول إلى حاضر يتحول بسرعة إلى ماضٍ لا شك فيه.

وهنا يبدو معنى القراءة المستقبلية التي وجدها «نادر» في كتاب وقع بين يديه، فقراء ولم يستطع عنه تحولاً. يقول الكتاب: إن العالم مقبل على ثورة عظيمة، تفوق في أبعادها ونتائجها الثورة الصناعية التي صنعت العالم المعاصر. ثورة سوف تغير كل ما هو مألوف ومسلم به الآن. الصناعات الثقيلة، الحروب المعقدة، الانتقال الشاق - برغم سرعته - عبر القارات، الاتصالات القاصصة - برغم سرعتها وسهولتها النسبية - كل هذا سوف يتغير. بعضه لن تعود حاجة إليه، وبعضه الآخر سوف يتطور تطوراً يجعله شيئاً مخالفاً تماماً لما يجرى الآن: استخراج الثروات الطبيعية، بناء المدن، الآلات المفكرة، وحتى المخ البشرى ذاته.

وإزاء هذا تصبح مصيبة أهل الكهف الجدد مصيبتين. عليهم أن يخرجوا من مستنقع الماضي ويتقدموا بسرعة إلى المستقبل. وهذه مهمة فادحة، يزيد من فداحتها أن تيار العودة إلى الماضي يكبل الأمة بقيود ثقيلة كالجبال، ويمنعها حتى من مجرد الحركة المحدودة إلى الأمام.

والتحذير الخطير الذي توجهه المسرحية للناس: حكومة وشعباً معاً - هو أن مقوله: «التاريخ لا يعيد نفسه» قد فقدت مصداقيتها. فعجلة التاريخ قد تعود إلى الوراء إذا لم تجد مجالاً للتحرك إلى الأمام. وخير شاهد على هذه الحضارات الكثيرة التي شاخت وتحللت ثم بادت، والقول بأن العودة إلى الماضي ضمان وأمان مساو تماماً للعودة إلى ظلام الكهف الذي لف كل من لجأ إليه.

تجسد «أهلأيا بكوات» هذه الرسالة عن طريق عمل درامي يجمع

بين المتعة والفكرة، ويستخدم طريقة الهجوم الشامل على الماضى بكل تفاصيله: التخلّف الفكرى، إنكار قيمة العلم، وتقديس مغيبات العقل، استعباد البشر، الاستغلال الدنىء للمرأة وتحويلها إلى مومس عبر أشكال معينة من الزواج وعبر نظام الجوارى، احتقار الرأى، إعلاء سلطة السيف ونهب الثروة القومية... إلخ.

تحمل المسرحية هذه الرسالة الفكرية الثقيلة الوزن ولا تنوء بها معظم الوقت. وأقول معظم الوقت لا كله، لأن بالمسرحية لحظات يود المرء فيها لو كان العمل تخفف من بعض حمله؛ خاصة أن الكاتب قد اختار أن يدير الحوار بين «برهان» و «نادر» بطريقة تجعل من الأول أكثر حيوية وتحيل الثانى إلى ممثل لرأى المسرحية الرئيسى، وتجمده عند موقف معين هو موقف المؤمن الصلد الذى لا يلين ولا يدخل الشك إليه من أى باب. وهى طريقة تفيد الفكر المسرحى، ولكنها تجعل «نادر» شخصية شبه مصمتة، وتعطيه مظهر الداعية الذى يحمل بوقاً يردد منه آراء الكاتب. وبالمقابل تجعل انتهازية «برهان» ، وميله الواضح إلى المهادنة، وإغضاء الطرف عن المبادئ انقازاً لنفسه من الهلاك، وتمكيناً له من الاستمتاع بمتع الحياة المتاحة – تجعله أكثر قدرة على الاقناع؛ حيث إن الميل مع الهوى وانتهاز الفرص ضعف بشرى مفهوم ومألوف، فى حين أن التمسك الصلد بالمبدأ شيء لا تقدر عليه إلا القلة من البشر.

وليس هذا تبريراً للانتهازية بالطبع وإنما هو محاولة تفسير ظاهرة واحدة فى المسرحية، وهى حيوية «برهان» وقدرته على النفاذ إلى النفوس، وجمود «نادر»، وتخبطه فى اتخاذ القرارات. خذ مثلاً قراره بأن يعلم الجارية القراءة ويتقدم من هذا إلى توعيتها بحقيقة حالها ودعوتها إلى أن تثور على وضعها.

إن المرأة تستجيب له بل تصبح هى الأخرى داعية من دعاة

التقدم، غير أنها ما تلبث أن تنهار وتنضم إلى الوضع الذي ألقته. إن «نادر» يبنى على غير أساس، ودعوتها المتصلة وصراخه ومقاومته العزلاء للطاغوت تجعله مثلاً آخر من أمثلة الثائر الفرد وتنتهي به إلى تهمة الجنون، ثم يفيق في نهاية المسرحية ليتساءل: أين هو، ومن أولئك الذين يحيطون به؛ أهم الماضي أم الحاضر؟

إن كان هذا عيباً في تصوير شخصية «نادر»؛ فهو عيب مألوف في المسرحية الفكرية؛ يتكرر كلما قرر كاتب أن يجسد أفكاره على خشبة المسرح، بدلاً من أن يضمونها كتاباً أو منشوراً. وقد عانى مسرح برنارد شو من هذه الظاهرة، فتحايل عليها بطرق شتى منها عزل الرسالة الفكرية للمسرحية في فصل معين يتم فيه الحوار الفكري دون حرج أو خوف من الإملال، وأحاطه هذا الفصل بفصول تتمتع فيها الشخصيات بحرية الحركة غير المقيدة قياداً صارماً بفكر المسرحية. وهذا ما فعله برنارد شو في مسرحيته: «الإنسان والسوبرمان»، ومنها حبس المتفرجين في المسرح وإعطائهم جرعة فكرية مركزة في مسرحية طويلة لا تحوى فصلاً على الإطلاق، ثم تهديدهم طوال المسرحية وتخويفهم بأنهم مالم يحتملوا الجرعة كاملة فسوف يثبتون أنهم غير أهل للتفكير، مع الإشارة تارة إلى أن أبواب المسرح مفتوحة لمن يرغب في الخروج، وتارة أخرى إلى أن الفرع قريب لمن استطاع أن يتحلى بالصبر. راجع مسرحية: «الاستعداد للزواج».

أما لينين الرملي فإنه يلجأ إلى الفكرة الفانتازية الفاتنة: فكرة الانزلاق إلى الماضي، ويروح يستخدمها استخدامات كوميدية متنوعة، موجهة إلى التندر بخصومه الفكريين من بكوات وسناجق وحرس وخدام وعسكر ومشايخ السلطة وأدواتها. وهو ينجح في هذا إلى درجة ملحوظة تتيج لعربة المسرحية أن تنقل حملها الكبير بنجاح، وتوصله إلى الناس.

وبعد، فهذه مسرحية مهمة وممتعة وشجاعة معاً. وهي بعد هذا مسرحية معاصرة كل المعاصرة، تأتي في أوانها تماماً، لتثبت أن الواقع المحيط؛ الواقع الآن - وهو دائماً مادة متفجرة إن لم يحسن استخدامها - يمكن أن يصبح فناً مسرحياً مقنعاً؛ إذا ما تناوله كاتب ذكي، ملتزم، يعلم تماماً أن الكتابة المسرحية حرفة وصناعة إلى جوار أنها فكر وفرجة.

د. علي الراعي

دخول

(تطفأ أنوار الصلاة، وقبل موسيقى الافتتاحية نسمع هذا التسجيل)

صوت نادر : هذا بلاغ لمن يهمه الأمر. وإبتداءً أؤكد أن كل الوقائع التي سيأتى ذكرها قد حدثت بالفعل دون أى تحريف أو مبالغة. وأنى أضعها أمام الجميع، حكومة وأهالى ، مسئولين ورعايا، لا أستثنى أحداً ، وعلى الجميع أن يعرفوا كيف حدثت لنا هذه الردة إلى الماضى وكيف يمكن أن نتجنب تكرار ذلك فى المستقبل، الذى يجب أن نصوب إليه كل أنظارنا وأفكارنا وجهدنا، فما يحدث بعد مائة عام تغرس بذوره من الآن.

وأود أن أؤكد أن التغيير كما يحدث للأمام. فإنه من الممكن أن يحدث فى إتجاه عكسى ، وأن عجلة التاريخ يمكن أن تعود إلى الوراء وما إنهيأر الأمم والحضارات إلا خير شاهد على ذلك.

وبعد.. تبدأ وقائع هذا البلاغ على النحو التالى.

(موسيقى الافتتاحية)

- المنظر : رسالة الشقة الدكتور برهان .
- فى الصدر شرفة واسعة مسدلة الستائر، يظهر باب الشقة ومدخل إلى بقية الشقة، أثاث أنيق أودى الطراز جهاز تكييف، لوحات سيرالية، أباجورات ثلاجة .. إلخ.
- جهاز راديو تنبث منه موسيقى أوربية حديثة..
- المذيع : «البرنامج الموسيقى من القاهرة ، حتى الثانية عشر مع هذه الموسيقى الخفيفة.»
- الخادمة : (تظهر وهى تدفع عربة شاي وتنادى بركة) دكتور برهان.
- ص برهان : (من الداخل وهو يرد بالإنجليزية) «بيس سوزانا».
- الخادمة : «يوردنك».
- ص برهان : «أوكى.. أى أم كامنج»
- (ثم يدخل فى بنطلون جينس وقميص مشجر فوقه نصف روب وببده جريدة أو مجلة أجنبية ويجلس على مقعد، الخادمة تخرج زجاجة ويسكى من درج وتمصب منها فى براد الشاي!)
- الخادمة : «أيس أور صودا» ؟؟ !
- برهان : «نو ثانك يو، بليز كان يو أوبن ذى كير تينز»؟
- الخادمة : «سيرتلى سير» (وتفتح ستائر الشرفة فيدخل ضوء النهار بقوة).
- (برهان يصب من البراد فى فنجان، يدق جرس الباب بنغمة موسيقية).

- برهان : دا لازم نادر. «بليز كان يو أويين ذا دور»
 الخادمة : «سيرتلى سير» (وتتجه لباب الشقة وتفتحها).
 (يظهر نادر فى بدلة متواضعة، يرتدى نظارة طبية
 ومعه حقيبة جلدية).
 نادر : سلامو هليكم، مش دى شقة نمره خمسميه
 وحداشر؟
 الخادمة : «أى بچ يور باردون. وات دو يوساى؟»
 نادر : لا مؤاخذه. يظهر غلظت فى الشقة.
 برهان : (ينادى) تعال يا نادر، ما غلظتش ولا حاجة.
 نادر : (يخطو للداخل ثم يهتف بحيوية) برهان (ويندفع
 لإحتضانه).
 برهان : أهلاً يا نادر، أهلاً.
 نادر : إزيك يا برهان وأزى أحوالك، وحشتنى يا ابن
 الكلب!
 برهان : (بتحفظ وقد فوجئ) مرسى يا نادر.. إتفضل.
 نادر : حد يسكن فى ناطحة سحاب وفوق المقطم كمان ..
 أنا كنت هتوه.
 الخادمة : «ود يو لايك سمثنج سير؟»
 نادر : (ماداً يده لمصافحتها) لا مؤاخذه يا مدام.
 برهان : دى مش المدام.
 نادر : (هامساً) امال دى مين؟
 برهان : دى الشغالة.
 نادر : الشغالة؟ هما الشغالات عندنا بقوا يعرفوا لغات؟
 برهان : دى من سرى لانكا، مراتى قاعده فى أمريكا مع
 الولاد.
 (جرس التليفون يدق) عن إذنك (وهو يتحرك ليرد)

- شوف تشرب إيه.
- نادر : (للخادمه) هاتيلي أى حاجة، أنا مش غريب.
أقولك. أخذ فنجان شاي. (ثم مشيراً للبراد)
«لايك» برهان!
- الخادمه : «لايك دكتور برهان؟ أوكى سير» (تصب له فنجان
ثم تتسحب).
- نادر : (مُلفتاً حوله) شقتك بسم الله ما شاء الله
زى اللى بنشوقها فى مسلسلات التلفزيون، بالحق
شوقتك بتتكلم فى التلفزيون من قيمة أسبوعين.
- برهان : (ينهى المكالمه ويلتفت له شارداً) هه؟
- نادر : إلا إحنا ما شوقناش بعض من قد إيه؟
- برهان : من بعد ما إتخرجنا من أم الصابرين الثانويه
بشويه.
- نادر : (وهو يجلس) أيوه عمر تانى. والله زمان يا ابن
الذينة.
- برهان : ما بياش طولة اللسان دى. إحنا كبرنا وأنا بقيت
دكتور يا عم نادر.
- نادر : (بخجل) أيوه صحيح. أعذرني ما نا فلاح بقى
(يتأمل ثم يضربه مازحاً) والله بقيت دكتور على
آخر الزمن يا ابن بهانة! (يرتشف من الشاي
بصوت مسموع ثم يتقزز) الشاي دا طعمه بيلسع!
- برهان : دا مش شاي. دا «سكوتش».
- نادر : ويسكى؟ دا إحنا الصبح يا راجل. وبتشربه فى
فنجان ليه؟
- برهان : عادة من أيام ما كنت بشتغل فى البلاد العربيه!
- نادر : (وهو يتأمل) ياه. دا باينك إتغيرت خالص

- يا برهان.
- برهان : أنا ؟ «هاو» ؟
- نادر : متبهياًلى خسيت شوية؟ و.. ويطلت تضحك زى زمان.
- برهان : «ريلى»؟ جاييز.. إنتو لسه هنا بتضحكوا؟.
- نادر : آه يا أخى، ما تعرفش ليه! (ويضحك).
- برهان : المهم قولى بقى إنت وصلت لحد فين؟
- نادر : والله أنا وصلت لحد أحمد حلمى ويعدين إتمشيتها لباب الحديد، أصل كان نفسى أتفرج على مترو الأنفاق!
- برهان : مترو إيه؟ قصدى وصلت لحد فين فى حياتك؟
- نادر : آه.. والله لسه برضه فى مدرسة أم الصابرين، دخلت الكلية وإتخرجت ورجعت لها تانى بس المرة دى .. مدرس رسم.
- برهان : بس كده؟
- نادر : لا ما نا هاخذ مدرس أول قريب. كان مقروض إستحقها عمول، إنما ولاد الحلال حطولى تقارير سرية زى الهباب. لكن ما همنيش حطيت همى فى الرسم والشعر، كتبت قصايد كتيره وبعتها لكل الجرايد القومية والحزبية.
- برهان : ونشرو لك حاجة؟
- نادر : (بحزن) والله ما اعرف. أصلى ما بقراش جرايد!
- برهان : (يضحك بدهشة) «فرى نيس».
- نادر : (مبتسماً بخجل) لا ما أقصدش أنكت. أصل الدكاتره ما نعننى م القراية.
- جات لى حالة كده.. (بتردد) بيقولوا إكتتاب.

- برهان : إكتئاب؟ إنت ؟ «أمبو سبيل» «مايينش عليك يعنى .
 نادر : أهو الواحد بيقاوح، مانا جاي لك علشان كده . لو
 ما كنتش هتاقل عليك يعنى .. (وبحركة لا شعورية
 يحتسى من فتجانه) .
- برهان : أبداً يا نادر . إنت حارف معزتك عندي ، أنا فضيت
 لك نفسى ساعتين عشان كده ، وإذا كان ع الترقية
 اللي إتخطوك فيها . بسيطة أكلم لك وزير التربية
 والتعليم (ويرفع سماعة التليفون) .
- نادر : ما أقصدش ، أنا مش شاغلنى غير هم المستقبل .
 برهان : ما هو أول خطوة تترقى ويعدين أنقلك مصر
 وأشوف لك شغلانة بعد الظهر عشان ..
 ألو .. مكتب سيادة الوزير؟ قوله برهان عبد
 الغنى .
- نادر : لا مافهمتنيش ، أنا بفكر فى المستقبل عموماً يعنى .
 برهان : هى النقابة بتاعتكم معاشها كام؟
 نادر : (مرتبكاً) برضه ما فهمتنيش ، نهايت . خلاص قفل
 ع الموضوع .
- برهان : مش خلاص . فهمنى . مش بتقول بتفكر فى
 المستقبل؟
- نادر : (بتردد) أيوه ، أقصد مستقبلنا كلنا ، أنا وإنت
 يعنى و ..
- برهان : (بإستغراب وهو يضع السماعة) أنا وإنت سوا؟
 نادر : (بخجل) لا مش إحنا بس . و .. ومستقبل البلد
 بحاله ، ويمكن البشرية عموماً يعنى و .. (ثم
 يسكت) .
- برهان : (يتأمل كأنه يشك فى قواه العقلية) أه ، هما

الدكاترة ممنوع من القراءة من إمتى؟

نادر : من مدة طويلة (يرشف رشفة ثم فجأة بلهجة
إعتراف) لكن الشهر إالى فات خالفت كلامهم، وقع
فى أيدى كتاب بالصدفة، قلت أتعصف الفهرس،
مقدرتش أقارم، ما سبتوش غير لما خلصت ع
الخمسميت صفحة، من يومها عيني ما بتدقش طعم
النوم..

برهان : (ببرود) ياه، للدرجة دى؟

نادر : أحسكه كتاب بيرسم صورة مذهلة للإحتمالات اللى
ممكن تحصل فى المستقبل.

بيقولك التقدم العلمى هيفير شكل الحياة على
الأرض فى ظرف سنين قليلة ومعظم الوظائف اللى
تعرفها هتتلفى، ومعظم المواد الخام والصناعات
الموجودة مش هيبقى لها لزمة، الحروب هتبقى
بالريموت كونترول وهتخترعوا عربيات بالكهربا
تمشى لوحدها.. شوارع متحركة وبيوت بتطير فى
الهوا مدن هتتبنى تحت البحار، المعادن بدل ما
هيستخرجوها من بطن الأرض.. هيستخرجوها من
الهوا. دا غير الآلات المفكرة اللى هتصنع وتخترع
وتهندس بنفسها، الإنسان الآلى هيستغنوا بيه عن
العمال والموظفين وحتى الفنانين، ولا الكلام عن
التحكم فى المخ البشرى، تصور مخنا يتمسح
ويتملى من جديد زى ما يكون شريط كاسيت، نغير
مزاجنا وعاداتنا وقيمنا زى ما نغير هدمنا،
نستغنى عن عقولنا ونأجر غيرها زى ما بنأجر
شريط الفيديو. وكله كوم والهندسه الوراثيه كوم...

إلى هجنت التيران مع المعيز والأسود مع
النسانيس، إلى ممكن تتحكم فى نوع الجنين وطوله
ولونه ومزاجه، إلى ممكن تاخذ خليه من شعر
واحد ميت وتستخدمها فى عمل نسل يبقى نسخة
متكررة من الميت دا. بتبلىق لى كده ليه؟ إذا ما
كنتش مصدقنى أنا جيت لك الكتاب معايا (يخرجه
من الحقيبة).

برهان : (يهدوء) قريته.

نادر : (يدهشة) بالذمة؟ (ينتقل ليجلس على شلته أمام
برهان) طب إلى مكتوب فيه دا مبالغات. مش
كده؟ المؤلف قاصد يخوف الناس بتوع العالم
النامى إلى زينا. صح؟ أنا قلت ما فيش غيرك
حيدلنى ع الحقيقة. إنت دكتور وعالم وتفهم فى
التكنولوجيا والحاجات دى.

برهان : وجاى م البلد لحد هنا عشان تسألنى السؤال دا
بس وترجع؟

نادر : ودى لو صحت تبقى بسيطة؟ صارحنى يا برهان.
الكلام دا صدق ولا فشر خواجاتى؟

برهان : (يرتشف من فنجانه) صحيح طبعا.
نادر : (مصدوما) يا خير مطين بطين. ولما العالم هيجصل

فيه التقدم دا كله؟ بلدنا هتبقى فىن منه؟ هنعمل
إيه وقتها؟ هنقدر نجارى الناس دى ولا هنفضل

قاعدين نتفرج عليهم، وهما هيسبوننا فى حالنا؟
برهان : يا سيدى، وقتها يبقى ربك يعدلها. أغلب الكلام دا

مش هيتحقق فعلا غير بعد عشرة عشرين سنة
ويمكن أكثر.

- نادر : (ينهض) بلاش أنا، إبنى هيبقى مصيره إيه؟ إذا كانت معظم الوظائف اللي نعرفها متتقرض مؤكدهيطلع صايغ!
- برهان : (محولاً الموضوع) إنت خلقت يا نادر؟
- نادر : لا. لكن إفرض يعنى إنى إتجوزت مش هخلف؟! ثم مانا عندي خمسميت عيل فى المدرسة، ما هو دول ولادنا برضه.
- برهان : إنت مش كنت خاطب سلمى ويتحبها حصل إيه؟
- نادر : كنا بنحب بعض لكن أبوها ما وافقش ع الخطبة. غصبها تتجوز واحد تانى إالى، كان أمين الإتحاد الإشتراكي فى البلد مانت عارفه. لكن إنت ما جاوبتنيش على سؤالى.
- برهان : طب أقعد على حيلك، تحب تمز بحاجة؟
- نادر : لا ماليش نفس (ويحتسى محتويات فنجانہ دفعة واحدة ويسعل)!
- برهان : إنت قرئت كتاب واحد. أنا ممكن أدلك على عشرات الكتب فيها حاجات أخطر بكثير.
- نادر : (بقلق وعتاب) عارف إن فيه أخطر.. وسأكت؟
- برهان : وهو أنا المسئول عن البشرية؟ ولا تكونش فاهم إن هافيش دكاترة فى البلد غيرى.. دا إحنا بقينا على قفا من يشيل.
- نادر : (يهم بالكلام ثم يسكت).
- برهان : پس أحسب أطمئناك إن فى كل حته فيه دراسات ومناقشات وإجتماعات ولجان على أعلى مستوى. دا غير عشرات المؤتمرات إنعقدت وأصدرت مئات التوصيات، و..

- نادر : (مقاطعا) لا يبقى خلاص إطمعت.
- برهان : ومع ذلك ممكن صورة المستقبل تتغير والعالم ما يتقدمش عنا ولا حاجة.
- نادر : (بلهفة) إزاي؟
- برهان : لو حصل إنفجار نووى مثلاً، فى الحالة دى محدش هيسبق حد ! صورة الحياة نفسها هتختفى، ما تجرب تمز بحاجة. « الباتون ساليه » دا يجن.
- نادر : أنا حاسس بخنقة.
- برهان : أنا مقفل عشان « الأيركونديشن. » لكن ممكن تفتح الشباك يغير الهوا..
- نادر : (يفتح النافذة) غريبة، لون السما متغير. الدنيا عتمت مرة واحدة كأننا ساعة مغربيه.
- برهان : (من مكانه) أه غريبة فعلاً.
- نادر : أكيد هيقولوا حاجة فى النشرة الجوية (يحرك مؤشر الراديو نسمع صوت تشويش) مش لاقى المحطة..
- برهان : (بروتينيه) هات لندن!
- نادر : (ينقطع الصوت) لا فيه لندن ولا أمريكا ولا روسيا حتى. دا إنخرس.
- (الضوء يشح ويصفر، نسمع صوت حاصفة قادمة)
دى العتمة بتزيد.
- برهان : دا غالباً بفعل رياح الخماسين. هى إल्ली بتثير العواصف الترابية.
- نادر : پس إحنا مش وقت الخماسين.
- برهان : ممكن دا يكون بسبب دخان المصانع إल्ली حوالين القاهرة وعفار الجبس وعادم السيارات ، تلوث

- البيئة وحمل لمعدلات مرتفعة في المنطقة دى .
- نادر : (ناظراً من الشرفة) . وإيه الناس الكتيرة دى إالى متجمعة عند الترب؟
- برهان : لازم طالعين القرافة. مانت عارف زيارة الميتين تقليد قديم من أيام الفراعنة.
- نادر : إحنا لافى موسم ولا حتى النهاردة جمعة (ويقلق متزايد) استنى دول مش طالعين الترب. دول.. دول طالعين منها. الناس طالع م الترب.
- برهان : (مبتسماً) طيبى. لأنهم ساكنين فيها.
- نادر : لا دول مش ناس. دول أشباح. أيوه أشباح الميتين (يرتجف).
- برهان : (ينهض) اهدا. إنت الظاهر مش واخد ع الشرب. دا بيهيالك إكمن الدنيا ضلمت شوية. قولى إنت كنت بتعالج من الاكتئاب عند مين؟
- نادر : دى مش تهيوأت. وأنا مش مجنون. إحنا فى عز الخمر والليل داخل علينا. أهو يص بيمينك وإنت تشوف.
- (صوت إنفجار. أضواء متقطعة فى الخارج، ثم دخان كثيف).
- نادر : زلزال. إنفجار نووى، إالى كنا خايفين منه حصل.
- (برهان ينظر بدهشة وخوف، المكان يهتز ويبدأ فى الإنهيار).

(الظلام)

يستمر الإظلام صامتاً عدة ثوان، ثم نقلة موسيقية شرقية ذات إيقاع بطيء وتفضل أن تكون النفحات تركية).

المشهد (٢)

المنظر : شونة غلال لها باب خشبي يرتاح كبير.. أجولة وزكائب وقدر مرصوصة وبراميل.. إلخ.
مصطبة حجرية ينام عليها نادر.. وبرهان منكفيء على الأرض..
الوقت : ليل، ضوء من طاقة صغيرة يلقي ظلالاً على المكان.

(نادر يزوم ويتقلب ويفتح عينيه ثم ينهض ناظراً حوله بدهشة).
نادر : إيه دا؟ أنا فين؟ إيه إالى جابني هنا؟ (ثم بفزع بعد لحظة) يانهار أسود ومنيل (يرى برهان فيهمه) برهان.. قوم.. فوق..
برهان : (ما زال نائماً) سيبنى أنام شوية يا أخى.
نادر : قوم، إحنا الظاهر بتعلم! قوم، مصيبه، كابوس..
برهان : (ناهضاً بضيق) مصيبة إيه بس قال الله ولا.. (ثم ينظر حوله بدهشة ويتبدل لحظة) « هاوا » إزاي..
إحنا فين وليه؟
نادر : معرفش، أنا فقت لقيت إالى شايفه دا؟
برهان : إحنا كنا في البيت بنتناقش.. بس دا مش بيتي.
نادر : إفتكرت، الانفجار النووي، الزلزال.
برهان : أيوه فعلاً طب إثبت، إمسك أعصايك! (ويتشبث بنادر في خوف).
نادر : طب سيبنى! (يتحرك للباب ويحاول فتحه) الباب مقفول.
برهان : لكن إحنا فين؟
نادر : ما هو دا إالى مجننى، كإننا في مكان من العصور

الوسطى. كل حاجة حوالينا قديمة زى ما تكون فى
متحف..

- برهان : يمكن.. يمكن.. الزلزال جاب عليها واطيها..
نادر : يعنى إحنا دلوقتى واطيها؟!
برهان : إحمد ربنا، جايز يكون الفيارالذرى مالى الجو
بره، وما فيش حد هایش غيرنا..
نادر : (أصوات لكلاپ تتبع) لا، لسه فيه كلاپ هایشه
وبتهوهو. هى سامتك كام؟
برهان : تصور، الساعة إتناشر زى ما هيه.
نادر : بس إحنا بقينا ليل، لازم وقفت.
برهان : أبداً.. ماشية.. أهيه.
نادر : (ينظر للساعة بفزع) بس دى العقارب ماشيه لورا،
الوقت بيتأخر.
برهان : «تيك كير» أنا سامع. صوت رجلين جاية على هنا
(هامسا) تعال نستخبي.
نادر : ليه؟
برهان : معرفش، بس الحذر واجب (يختبئان خلف بعض
القدور والزكايب).
(يفتح الباب ويظهر تاجر وبعض العمال فى أزياء
ترجع لقرنين سابقين والجميع لهم شوارب ولحى
كبيرة).
التاجر : شهل قوامك وطلع الخزين. (ثم يخرج).
نادر : (يطل برأسه مذهولاً وهامسا) مين دول يا برهان؟
برهان : (هامسا) مش عارف. الظاهر دول بتوع ألف ليلة
وليلة.
عامل ١ : كل الوقايع زلايه.

- عامل ٢ : أى نعم. زرعولنا فوق السطوح.
- عامل ٣ : والمحنية الحول جه وما وحصلش جبر السد.
- عامل ١ : ولا الكبة إالى جت وحطت علينا.
- عامل ٢ : والله الكبة أرحم م الشتوى والصيفى وحق الطريق.
- نادر : (يطل برأسه ثانية) هما بيقولوا إيه. عربى دا يا برهان؟
- برهان : معرفش، بس أنا لازم الاقى تليفون أتصل بحد من المسئولين.
- عامل ٢ : كل يوم زعجه وكرشه على قشرة بطيخ ما خلوا حتى الزبالة.
- عامل ١ : وكل قليل تحصل فتنة بنات الغز والالاضيش والعسكر تنزل الخط والوكالات تتسكر ما ينوبنا غير وقف الحال..
- عامل ٢ : بيقولوا حسن بيك أبو قليطة هو السبب وغيره يقول لا دا أبو نبوت بيبك أو ابن بارم ديله.
- عامل ٢ : لو كان ريك ياخدهم فى شوطة واحدة ويك رقابنا.
- عامل ١ : هس أسكتوا وإحنا مالنا؟ هى كانت بلدنا؟
- نادر : بس فهمت، دا تمثيل وبيصوروا فيلم تاريخى وأسلاماء.
- برهان : إستنى لما نشوف أخرتها أحسن.
- نادر : ما تخافش يا دكتور. السيوف دى خشب. والدقون دى ماكياج مش بجد.
- (الثلاثة يلتفتون له ويشلمهم الرعب والمفاجأة).
- الثلاثة : يا حفيظ، يا مغيث، يا خفى الالطاف نجنا مما نخاف.

- (إثنان يجريان والثالث يخر مكانه راكعاً).
- برهان : (وهو يرتجف) دول هما إल्ली خايقين مننا.
- حسن : بسم الله الرحمن الرحيم .. أهوز بالله من الشيطان الرجيم، الرحمة يا أسيادى..
- نادر : ما تخافش، إنت مين؟
- حسن : محسوبيكم وخدامكم، العبد الفقير لك تعالى حسن العريان.
- إطلبوا إल्ली تحيوه، أحضره على عيني ورأسى، إن شالكه يكون لبن العصفور.
- برهان : إحنا هايزين تقولنا.. إحنا فين؟
- حسن : يا أسيادى، ما تتمسخوا بيا، خدوا مرادكم، وإنصرفوا بسلام.
- برهان : (يخوف) دا بيقرا علينا أية الكرسي!
- نادر : نتصرف؟ إنت فاكركنا عفاريت؟
- حسن : دا شيء باين من هدمتكم وملافظكم، مهمن إتخفيتوا على صورة بشر..
- نادر : لا ياعم حسن، إحنا لا عفاريت ولا جان.
- حسن : إطلعوا من دول! (ويدور حولهما لينظر لمؤخرتيهما).
- برهان : بيدور على إيه دا؟؟؟
- حسن : طبعاً، خبيتوا ديولكم فى سراويلكم، إنما أول مرة أهرف أن ليكم أربع عيون!
- نادر : (يعمبية) دى نضارة، إمسك أيدي ياعم حسن وإنت تتأكد أننا من لحم ودم، بنى آدمين زيكم بالضبط..
- حسن : (يدهشة وعدم تصديق) إنس؟؟
- برهان : «بيس أوف كورس»!

- نادر : طبعاً إيس .
- حسن : (يرتجف) لا حول ولا قوة إلا بالله (يجرى بذعر)
إنجدونى، غيثونى.
- برهان : قلت له ليه؟ مش كنا فضلنا عقاريت أحسن؟
- نادر : برهان ، يكونش الزلزال رمانا فى جب أثرى.
- برهان : والناس دول بقايا أثرية برضه؟
- نادر : جايز من قبيلة قديمة.. إنفلقت على نفسها وفضلت
تتناسل لحد النهاردة تعال نخرج نستكشف المكان
(لكن الباب ينفلق بقوة) دول حبسوننا.
- برهان : «بيت آمن» فيه طاقة هنا (يفتح الطاقة وينظر)
أنا شايف السما وفيه نجوم، يعنى إحنا على وش
الأرض.
- نادر : (بذهول) إنهى أرض؟
- برهان : أرض الناس دول (ينظر فى جوال) نادر إحنا فى
مصر..
- نادر : إيش عرفك؟
- برهان : بص الزكية دى فيها إيه؟
- نادر : قول، الحمد لله.. نبقى فى مصر!
- برهان : السؤال إالى عايزين نعرف إجابته، إحنا فى أنهى
مصر.
- نادر : قصدك إيه يا برهان. مايز تقول إننا رجعنا فى
الزمن لورا؟
- برهان : إنت عندك تفسير تانى للى شايفه حوالينا؟
- نادر : إزاي؟ الزمن بيعمشى لقدام ولا بيرجع لورا؟
- برهان : أنيشتين أثبت أن مافيش حاجة إسمها زمن.
المسألة نسبية.

- نادر : لا . دا كلام ما يخشش عقلى . اصدقك لو تقولى
 إحنا فى كابوس.. لو تقولى إحنا متنا وموجودين
 فى العالم الآخر مع الميتين..
- برهان : وليه ما يكونش العيب فينا إحنا . ودى كلها
 تهيؤات .
- نادر : لا.. إستنى . لقيتها..
- برهان : (يلهفة) إيه؟
- نادر : (وكأنه يخترعها) بما.. إنى.. أفكر.. إذن.. أنا..
 موجود .
- برهان : إتنيل، ودا وقت فلسفة إنت راخر؟!
- نادر : دى الحقيقة إللى لازم نبتدى منها . إحنا أحياء
 وصاحيين . مش سكرانين ولا مغمى علينا ولا
 مجانين..
- برهان : يبقى لازم نواجه الأمر الواقع .
- نادر : بس نعرف الأول إزاي الواقع دا حصل، إيه
 السبب؟
- برهان : (يكاد يبكى) كله منك إنت . قعدت تقر، مايز تعرف
 المستقبل إتفضل، أهو ربنا رمانا فى الماضى،
 إرتحت ياخويا!
- نادر : وأنا غلطت فى إيه؟
- برهان : أكيد دا عقاب من ربنا عشان حاولنا نعرف الغيب .
- نادر : عيب يا دكتور مش إنت إللى تقول كده . ربنا قالنا
 نفكر وأنا كنت بسأل عشان نعمل حساب المستقبل .
 الناس طلعت القمر، أعرف منين اننا هنقع فى بئر
 الماضى!
- (تسمع ضجة مصدرها صياح الناس فى الخارج)

وأضواء ومشاعل)

برهان : طُلب خَلينا في الهباب إلى بقينا، فيه دا إحنا محاصرين من كل ناحية.

نادر : مصيبة لنكون وقعنا في عصر الممالك يبقى رحنا في داهية..

برهان : إسمعني؟

نادر : أصلى جبت سيرتهم في أربع قصايد! ضربت بيهم المثل في الغباء والوحشية..

برهان : ياما قلت لك إبعد عن السياسة!

نادر : ودي سياسة؟ دا تاريخ.

برهان : أيوه، كنت فاهم نفسك هتحتمي في التاريخ وتعمل

رموز وإسقاطات.. طُلب أهم رجعوك يا فالح.. بس

تخلي عندك ضمير وما تورطنيش معاك.. أنا عندي ميال!

إصوات : (من الخارج) إرجعهم، دبحوهم، خزوقوهم..

نادر : خزوقوهم؟ يخزوقونا ليه مدام عرفوا إننا بشر؟

برهان : عشان مختلفين عنهم، بالمناسبة. إياك تقولهم إننا

من عصر تاني أو متقدمين عنهم.

نادر : بس كلامنا هيكشفنا غصب عننا.

برهان : إسمع، عشان ما نغلطش ونقول حاجة عصرية،

الاسلم نتكلم بالفصحى، زى تمثيلات الراديو.

نادر : طُلب وطريقة تفكيرنا هنتخلص منها إزاي؟

برهان : لا، إنسى أفكارنا دي بالمرّة وحياة أبوك. أنا هخبي

الساعة وإنّت خبي النضاره. ولو معاك قصايد أو

أوراق إتخلص منها بسرعة..

نادر : عندك حق (يخرج بعض الأوراق ويمزقها بسرعة).

(الباب يفتح بقوة وتنهال قطع من الحجارة ثم يظهر بعض المشاعليه وخلفهم بعض الناس ونسمع صياح البعض الآخر فى الخارج).

التاجر : أبعثوا فى طلب القلق، بلغوا الآغا.
شيخ : (بإكتشاف) دول فرنجة! إلى الجهاد الله أكبر!
التاجر : (يشهر سيفاً بحماس، والجميع يردد خلفه) الله أكبر..

برهان (يركمان فوراً) أشهد أن لا إله إلا الله !
ونادر:
التاجر : (للجميع ليوقفهم) أصبروا عليهم (ثم لهما بدهشة)
إنتو مسلمين؟

برهان وموحدين بالله..
ونادر:
التاجر : وايش دخلكم هنا فى الشونة بتاعتى؟
برهان : إحنا غرباء وتهنا لا نعرف أين نحن ولا فى أى زمن..

التاجر : إنتو فى إقليم الجيزة واليوم الجمعة ١٢ ذو القعدة.
نادر : سنة كام لو سمحت؟
الشيخ : إنتوا من أهل الكهف؟ ما تدوروا إنكم فى سنة عشرة بعد الميتين وألف؟
برهان : القرن الثلاثاشر الهجرى؟ (نادر) دا يطلع كام بالإنرجى؟

نادر : تقريباً أواخر القرن التمنتاشر.
التاجر : لكن إنتو جيتوا قاصدين مين هنا؟
برهان : قلت لك نحن غرباء لا نعرف أحداً هنا.
التاجر : يعنى مالكم حد يتشفع فيكم؟ جعيل (لإتباعه)

أربطوهم.

(إثنان من أتباعه يقيدانهما بالحبال ويحدث لفظ بين الناس).

نادر : يتربطونا بتاع إليه؟
برهان : معلى يمكن إجراءات أمن.
الشيخ : هذا ليس من حقك يا رجل.
برهان : أيوه. قوله ياعم الشيخ.
التاجر : ما حد له مصلحة بيهم، أنا لقيتهم فى ملكى. وأنا أتولاهم.

الشيخ : وإن كنت رايدهم لنفسى تطلب إليه؟
التاجر : أطلب حقى ومستحقى.
نادر : (يقلق) حقه فى إليه؟
الشيخ : بدون ما أعاين البضاعة؟
التاجر : إتفضل عاين.
نادر : الحق.. دا الراجل بيعنا يا برهان.
الشيخ : (يتقحصهم) بسم - الله الرحمن الرحيم، بنيتهم ضعفانه، وضهورهم محنية.
(ثم لهما) إليه السبب إالى خلاكم هربتوا من أسيادكم؟

نادر : نزل ايدك. إحنا مالناش أسياد.
التاجر : إخرس يا عبد. (يلطمه بقوة).
الشيخ : (لبرهان) وإنت عاصى ويتسوق الدلال زى صاحبك؟
برهان : (يخوف) لا. أنا تحت أمركم وملك أيديكم، لكن إرحمونى يرحمكم الله.
الشيخ : (متحسناً خده) دا عبد ابن عبد وعبد مليح كحيل العين، ناعم الخدين.

برهان : (يتوتر) ماذا.. ماذا تريد منى يا رجل؟! أتظننى منهم؟

الشيخ : (ضاحكا) ما تخاف. فاكرنى وحش؟ (للتاجر) أنا قلبى مال لهذا العبد، أشتريه على إنفراد، امسك (يعطيه كيسا)..

التاجر : (مستنكرا) مية محبوب سلطانى بس؟ يفتح الله.. أنا ما اخذ قصاده أقل من حصان أسود..

الشيخ : (واضعا يده على كتف برهان) إتقى الله فى السعير.. دا إنت ما دفعت فيه ولا باره، والله أشاكيك للمحتسب.

التاجر : (يزيح يده) بضاعتى وأنا حر فيها، أنا اخدهم على وكالة الجلاية والنخاس إالى يدفع لى أكثر حلال عليه.

نادر : إنتو بتقولوا إيه (لنناس) وإنتوا واققين تتفرجوا علينا؟

برهان : طب حد ياخذنا ويعتقنا لوجه الله.. ينوبكم ثواب.

برهان : إشترونا يا مسلمين، إشترونا يا مسلمين!

ونادر:

حسن : العين بصيرة والأيد قصيرة، المجاعة ما خلت حيلتنا حاجة.

برهان : حاول تفكر بسرعة إسم الحاكم بتاع الأيام دى.

نادر : مش فاكِر إسم الوالى التركى. لكن السلطة فى أيد

المماليك الكبار إبراهيم بيه ومراد بيه.

(يسمع صهيل جواد وضجة فيتوقف أتباع التاجر

من دفعها للخارج)

الناس : الأفا.. الأفا وصل..

(يظهر الأغا وسط بعض الجند ويتقدمه سراجان).
 الأغا : إصفروا الجراييع وأوباش الناس من هنا..
 السراجان : (وهما يضربان الناس فيهربون) وسعوا يا بهائم..
 برهان : (بامل) الحمد لله، مش أغا دا يعنى حاجه زى
 البوليس؟

نادر : (بقلق) أيوه بس دا شكله م الحرامية!
 برهان : أنا فى عرضك يا أغا (يرمى نفسه تحت قدميه
 ويمسك ثوبه)

أنا فى عرض الأمير شيخ البلد مراد بيه. فى
 عرض الياشا الوالى. فى عرض مولانا السلطان
 جناب الباب العالى..

(الظلام)

(قبل الموسيقى أو بعدها نسمع الأصوات التالية)
 من. نادر : إنت عارف الجبرتى قال إيه فى الكتاب بناعه، عن
 مراد بيه..؟

من. برهان : مش فاكرو.

من. نادر : إسمع يا سيدى «كف مراد بك على لذاته وشهواته
 مع مشاركته لإبراهيم بك فى الأحكام والنقض
 والإبرام ومقاسمته الأموال والدواوين وتقليد
 معاليكه واتباعه الولايات والمناصب. وقصده
 الراغبون وامتدحه الشعراء والغاوين وأخذ الشيء
 من غير حقه وإعطاء لغير مستحقه. ولم يعهد عليه
 أنه إلتصم فى حرب يشرها أيداً على ما فيه من
 الإبداء والفرور والكبر والخيلاء والصلف والظلم
 والجور. وكان من أعظم الأسباب فى خراب الأقليم
 المصرى.»

المشهد (٣)

- المنظر : (قصر مراد بالجيزة، قاعة إستقبال بها أرائك ومكثات بالحريز والشراريب المذهبة)
- الوقت : (نهار، نفس اليوم)
- (حارس عند باب الصدر وآخر عند باب جانبي، والتاجر والشيخ يتحركان بقلق، بينما وقف الأغا، يدخل السنارى من باب الجنب).
- التاجر : (بلهفة) جناب الكتخدا، إعمل معروف.
- الشيخ : يا سيد إبراهيم يا سنارى. أرجوك.
- السنارى : والله أنا إحترت بينكم وبلغت مراد بيه بحكايتكم. هو شيخ البلد وريسها مش أنا.
- التاجر : أهيه، وجنابك كتخدا البك يعنى النايب بتاعه ومشيره فى كل شىء.
- الشيخ : وإننت وعدت تفصل بينا بالحق.
- الأغا : مالوش لزوم كتر الحديث، مراد بيك قادم أهو.
- (يظهر مراد من باب الوسط بيده منشة ويمتشق سيفاً، الخدم خلفه ويمسكون بمرواح).
- الشيخ : أهلاً يا حضرة دولتو مراد بيه.
- والتاجر :
- مراد : أهلاً بيك يا مولانا بقالنا مدة ما شوفناك.
- الشيخ : أنا تحت نظر جنابك. أدام الله عزك وقوى إيمانك.
- اللهم ثبت دولتكم واسخط أعدائك.. اللهم...
- مراد : بكفاية، وإننت ياسى أحمد. إزى حالك؟
- التاجر : بخير مدام شوفنا جنابك. إسمح لى أبوس الأيادى (يقبل يده)

مراد : ما فى مانع إنحطوا لما أشوف الحكاية (يجلس على الدكة)

التاجر : يا سيدى البيك. الحكاية أن دولم عبيدين فارين من بلادهم ونا إلتقيتهم فى الشونة تبعى، وكل من لقى شىء صار ملكه وحلاله، فهل عليا شىء إن أنا طلبت حقهم؟

مراد : لا والله، ما عليه شىء. وإنت يا مولانا إيش تقول؟
الشيخ : أقول إنه بيعمل شغل الشيطان. إستولى على العبيدين وهما ما يخصوه وبيشطح فى السمر

وأنا بدى أشتري لكن بتمن دون. فهل عليا حرج؟
مراد : لا والله، ما عليه شىء وإنت يا سنارى، إيش ما حليت المشكلة بدل وجع رأسنا؟

السنارى : يا بك. الجوز طلبوا منى أحكم بناتهم بالعدل.
مراد : زين. العدل ما عليه شىء.

السنارى : سألت كل نفر على إنقراده.. مين هيدفع لى برطله أكثر من التانى؟

الإثنين دفعولى رشوة قد بعض تمام. إحترت. قلت العدل يصطقلوا ببعض!

مراد : والله ما عليك شىء ! وإنت يا أغا. إيش رايك فى المسألة؟

الأغا : يابك، ما حد فيهم معاه الحق. العبيدين أغراب وخشوا البلد بدون إذن. يبقوا من حقى أنا بصفتى الأغا.

مراد : والله ما عليك شىء. وإيش جببتهم وجتنى أنا؟

الأغا : أهل من حين ما مسكتهم زعقوا بعلو حسهم وقالوا فى عرض مراد بيك أمير البلد.

- مراد : إستجاروا بيا وقالوا أنهم واقعين فى عرضى؟
الأخا : أى نعم .
مراد : يبقوا دول من حقى أنا وما على شىء !
الأخا : لكن أيش متسوى بيهم يا بك؟
مراد : هيه؟ والله ما أعرف (للسنارى) إيش تفتكر اعمل
بيهم يا سنارى؟
السنارى : رانى أن مالهمش لزومه، والأحسن نتخلص منهم،
من وقت ما شوفتهم، حصل عندى وسوسة من
ناحيتهم، شكلهم غريب ومنظرهم من العياق
والفساق والعياذ بالله .
مراد : من الفساق؟ يبقى أشوفهم الاوله وبعدين أقرر،
هاتوهم .
السنارى : خششهم يا سراج .
(حارس الباب الجانبى يفتحه، يدخل نادر وبرهان
فى الحبال وهما بلا أحذية وقد فقد نادر جاكته
وبرهان رويو الحريرى، يبدو عليهما البؤس).
برهان : سيادة الأمير إحنا فى حماية جنابك .
نادر : إسمع لى يا فندم أحتج بشدة على المعاملة
الوحشية إلتى إتعاملنا بيها، العساكر ضربونا
وسرقوا هدمنا وأبسط حقوق الإنسان..
الأخا : إخرس، وإنت فى حضرة البيك .
برهان : أمر سعادتك (لنادر) أسكت يا نادر .
مراد : (يتأملها) صحيح، لك فى خلقه شئون، الناس لها
حق يتخبلوا منكم، إيش تكونوا إنتم؟
نادر : إسمى نادر غريب .
برهان : وأنا يرها.. برهان الدين ابن عبد الغنى .

- مراد : المهم إنتو من العبيد ولا لا ؟
 برهان : نحن عبيد إحسانكم وعطفكم يا فندم، لكننا من
 إحرار الناس.
- مراد : وایش دلیلكم، وفین حجتكم؟
 نادر : حجتنا إننا بشر مثلكم.
 الأغا : بتساوى نفسك بالأكابر يا بجم ؟
 الشيخ : إسمع لى أترجم لهم (لنادر) البيك بیسألكم عن
 حجة وملك العتق.
- نادر : عمرنا ما كنا عبيد ولا مملوكين لحد .
 الأغا : وإنت تطول تبقى مملوك يا طور؟ إسقخص.
 التاجر : بص يا بك، دى سحنة أحرار؟ أسألهم فین دقونهم
 أمال، وإیش السبب إنها متتوفة، غیر أنهم
 خسیان؟!
- نادر : نریبها .. نخلقها .. إحنا أحرار.
 الأغا : وفيه حر ینتف لحيته ویجرس روحه بکیفه؟
 برهان : ومع ذلك نحن على إستعداد نری دقونا یا أفندم!
 السناری : إن كنتم مش عبيد، تیقوا جایین عیون وبصاحین ع
 البلد.
- مراد : معقول (للأغا) عملت لهم فحص وعرفت حقيقة
 حالهم یا أغا؟
 الأغا : إستعلمت منهم فی الطريق.
 مراد : ضربتهم بالفلقة أو بالكرابيج لحد ما قروا
 بالمصحیح؟
 الأغا : أى نعم ضربناهم، لكن بالنعال والبراطيش بس !
 مراد : یبقى ما حقت معاهم!
 نادر : حرام علیکم، إحنا مصریین زیکم.

السنارى : وفيه إبن عرب يتكلم لهجتكم ويلبس لباسكم المقط.

نادر : أقسم بالله أننا مصريون مثلكم ولدنا هنا...
برهان : (مقاطعا) لكننا نتيمننا من صغرنا وإنقطعت جذورنا فسافرنا، وسحنا فى بلاد الله ثم عدنا وقد شدنا الحنين إلى ماضيها الجميل.

مراد : طيب، إن كانوا مش رايدين ينباعوا يصالحوكم على نفسيتهم.

نادر : إيه نحب على رأسهم يعنى؟
مراد : حليتكم شىء تصالحو بيه على رقببتكم ولا قشلاتين؟

برهان : كان معى ساعة، ولكنهم أخذوها منى.
مراد : مين إالى أخذها؟
نادر : حضرة الظابط دا.
الأغا : (يخرج الساعة ويعطيها لمراد).
برهان : هذه تبين الوقت، كل حركة من العقوب تعنى مرور ثانية.

مراد : إيش؟؟
برهان : ثانية. يعنى بره، فترة من الوقت.
مراد : والله شىء غريب، والله غريب وعجيب، غيره (ويمد للأغا، فيخرج له نظارة نادر)! ودى إيش فايدتها؟
نادر : هذه نظارة طبية، تحسن النظر والرؤية.

مراد : اورينى (يلبس النظاره)
التاجر : وأنا قبلت أصالحوهم على دول وأعتقهم لحال سبيلهم.

مراد : لا دول هدية لحظراتنا قصاد فصلنا فى القضية

وما عليا شيء.

معاكوا شئ غيره تعطوه لسي أحمد ومولانا
الشيخ؟

برهان : ما عاد لدينا شيء إلا بقية ملابسنا .
مراد : يبقى لا يحق عليكم العتق، خدوهم يا قلق (للتاجر
والشيخ) وإنتو أعرفو خلاصكم معاهم .
نادر : لا . إنتظروا . معنا ما هو أثمن، معنا العلم، نحن
من العلماء .

الشيخ : خسنت يا كذوب، لست من ملتنا .. ونحن منك براء .
مراد : والبلد مليانه بالعلماء والمشايخ ومش ناقصنا
زيادة .

نادر : أقصد علماء دنيا، صديقي هذا دكتور في
التكنولوجيا من جامعات أمريكا .
مراد : بيرطن يقول إيه؟
الشيخ : إحنا مالنا حاجة يعلمو الدنيا إحنا إشترينا
الأخرة .

برهان : فك أسرنا ونكون خدامك يا سلطانم (يركع مقبلاً
ثوبه) .
نادر : (بدهشة) سلطانم؟ إنت بتجيب الكلام دا منين يا
دكتور؟!

مراد : خدامي ما أعرف عددهم، خدوهم .
نادر : إنتظروا، الحقيقة إننا من عصر آخر غير عصركم،
بيننا وبينكم حوالى ميتين سنة .

السناري : (للقلق الذي يجذبهما) أصبر يا قلق (لنادر) إيش
معنى كلامك وتخليطك، عمركم ميتين سنة؟

برهان : لا يافندم، صاحبي يقصد أننا نعرف ما سيحدث

فى المستقبل.

- مراد : آه فهمت، تقروا الطالع؟
برهان : (بإرتياح) أى نعم، إسم الله على مقامك يا بك.
مراد : عقارم عقارم، أنا مفرم بمعرفة الطالع، أنا أخدم
لنفسى يا أغا وأعطيك ثلاث أكياس.
الأغا : البلد بلدك والأمر أمرك يا بك؟
التاجر : وأنا إالى لقيتهم فى حقى يا بك؟
مراد : بتتجراً وتطلب حقك؟! يا أغا . أكسر رقبتك فى
الحال.
التاجر : لا. أنا متنازل عنه. سيبنى لعالى، فوتونى أروح
لعالى.
مراد : طيب ما عليه شئ عفىنا عن قتله يا سنارى،
صادروه فى أملاكه وتجارته بس!
التاجر : الله يخلص سيدى البك. ويطول عمره يارب !
(يخرج).
الشيخ : وأنا. إسمح لى أنصرف مع سيادة الأغا.
مراد : حصلت لنا البركة يا مولانا ومع السلامة (للسراج)
فكوا أيديهم.
السنارى : لكن يا بك، مين إدراك أنهم عرافين، مش يمكن
يكونوا دجالين؟
مراد : على مين؟ دلوقتى المستور بيان، لو كانوا كدابين
يبقى دبحهم حلال!
برهان : (يذمر) طب إعطنا مهلة، على الأقل نشاور بعض.
مراد : ما عليه شئ، أديهم حصّة من الوقت خمس درجات
بالعدد، يا شبوكشى، عمر الشبك.
برهان : (ينتحي بنادر ركننا) إنت وقفت وسهمت ليه؟

نادر : هتجنن، لحد دلوقتى مش قادر أحسك الزمن يرجع بينا لورا.

برهان : لازم تصدق مدام دا بقى الواقع إالى عايشينه.. إالى حصل.. حصل وإنتهينا مش مهم إزاي.. المهم نواصل الحياة.

نادر : أنهى حياة؟ حياة الماضى؟ حياة من غير حرية ولا أمان ولا معنى بالمرّة؟

برهان : (بخوف) وطى صوتك أنا فى عرضك! نعيش دلوقتى وبعدين نبقى نفكر على مهلنا فى معنى حياتنا.

مراد : (يتأمل الساعة بشغف) فانت ثلاث فترات يا سنارى.. عجيبه والله.

نادر : تقصد نعيش عشان نكتب شهادتنا عن العصر دا لما نرجع؟

برهان : نرجع؟ نرجع فين؟ تكونش فاكرك إننا فى رحلة؟ فوق يا نادر.. الحاضر إالى تعرفه بقى هو الماضى والمستقبل إالى جاي، هو التاريخ إالى قريناه فى الكتب.

نادر : يعنى إيه؟ إتحكم علينا نعيش الأيام دى للأبد؟ طب وإزاي نعيش فى مجتمع مافهوش علم ولا فن ولا فلسفة ولا حتى تاريخ؟

برهان : قول من غير نسكافيه.. هموت على فنجان نسكافيه!

نادر : يعنى خلاص.. مش هيبقى فيه راديو ولا تليفزيون ولا جرايد ولا مسارح ولا سينماها؟ مش هنقرا روايات ولا دواوين شعر؟ مش هنسمع مزيكا ولا أغاني؟ مش هنتفرج على تماثيل ولا معارض رسم..

مش هيبقى فيه برلمان ولا نقابات ولا ندوات ولا مدارس ولا كليات، مش هيبقى عندنا متاحف ولا بلاجات ولا نوادى ولا ماتشتات كورة حتى؟ مش هيبقى فيه كازينوهات على النيل ولا شبان وبنات بيتمشوا وأيديهم فى أيدين بعض؟ طب والحياة بيقى طعمها إيه من غير دا كله؟ وصحيح دا بقى ماضى؟ معقول كل دا هيبقى ذكريات مش هتعود أبدا؟ «هل إنتهى زماننا؟ كنت أظنه إبتدا».. (x)

(بيكى).

برهان : (يريت عليه) يا نادر دى مشينة القدر.. واليكأ على الأطلال مش هيجل المشكلة.

نادر : لكن لازم نلاقى مخرج من السجن دا؟

برهان : المخرج الوحيد من سجن الزمان، هو الهروب فى المكان.

نادر : إزأى؟

برهان : نسافر أوروبا فى أقرب فرصة.

نادر : فكرة. أوروبا إتخطت عصر النهضة، يعنى لو عشنا هناك كأئنا قرينا كام سنة م الحاضر بتاعنا.

برهان : بالضبط. المهم نتحمل شوية لحد ما نجتمع قرشين يكفونا للسفر والهجرة.

نادر : إتفقنا.

برهان : ببقى فكر معايا بسرعة هنقولهم إيه عن المستقبل.

نادر : المستقبل معروف، كمان سنتين هتيجى الحملة

الفرنسية وينهزم الممالك قدامها، إبراهيم بيه هيهرب على غزة، وعمراد بيه على جرجا، وقرب

(x) من قصيدة «موعد فى الكهف» لأحمد عبد المعطى حجازى.

نهاية الحملة بشوية، مراد هيتصالح معاهم، لكن
هيموت بالطاعون وهو جاى فى السكة.

برهان : وإنت عايز نقوله الكلام دا؟
مراد : (بنفس الدهشة) فانت خمس فترات، فانت ستة.
السناوى : عجيبه والله.

نادر : ما هو دا إالى حصل بالفعل.
برهان : مفهوم، لكن المصلحة إننا نتظاهر بالجهل.

نادر : ويبقى إيه الفرق بينا وبينهم؟
مراد : فانت عشر فترات، الإستخراج ده لطيف للغاية،
بيضيع الوقت بسهولة.

السناوى : (لهما) سيبناكم وقت زيادة، ياللا. إنحطو
مطرحكم.

مراد : تعالوا هنا تحت رجليا. هيه إيش تقولولى عن
المستقبل؟

نادر : الكثير يا بك. نستطيع أن نخبرك عما سيحدث بعد
قرنين من الزمن.

مراد : يا مين يعيش. وإيش الفائدة؟
نادر : المعرفة يا بك.

السناوى : معرفة بدون منفعة.
نادر : لا توجد معرفة بلا نفع. وما يحدث بعد مائة عام.

نُفوس بذوره من الآن. يتشكل من يوم لآخر، بل من
ساعة لساعة. ما تأمر به فى هذه اللحظة. يحرك
حدثاً صغيراً وهو بدوره يدفع حدثاً أكبر حتى
تترشح صخرة التغيير الشامل..

مراد : سيبه يحكى يا سنارى إحنا ما وانا شىء (ناظراً
للساعة) فانت ثلاثاشر فترة.

- هيه إيش يصير يا رمال؟
- برهان : (محذراً يهمس) خلى بالك. مش كل حاجة تتقال.
- نادر : (يجماس) حياة مختلفة كل الإختلاف، ناس كثيرة وعالم صغير، مواصلات سريعة إختراعات مثيرة إبتكارات فكرية وثورات إنسانية.
- مراد : (مقاطعاً) مش فاهم عليك حاجة.
- نادر : أهدرنى يا بك، الصور والأفكار تتزاحم على ذهنى، فما حدث لم يكن ليخطر على بال أحد وليس له حصر أو عدد، يكفى أننا سنسافر عبر المحيطات فى ساعات، بل نركب من الأسكندرية إلى أسوان فى دقائق معدودات.
- مراد : ليش، هنركب بساط الريح؟
- نادر : أشبه ببساط الريح ولكنه من الحديد.
- السناوى : وهو الحديد بيطير؟
- نادر : نعم بإمكان الحديد أن يطير، وسوف ينطق الجماد وتسجل الأصوات والحركات والصور وتستعاد. وسوف ينتج الإنسان قنبلة تكفى لتدمير الأرض بإكملها عدة مرات.
- مراد : إيش تقول وتخطر؟ دا كلام خرافه وخزعبلات.
- نادر : بل حدث ورأيناه بأعيننا.
- برهان : (محذراً يتوسل) نادر أمقل.
- السناوى : (واقفاً ومنزعجاً سيفاً) يتستغفلونا يا أفندية؟ شفتوه فين؟
- برهان : ف.. فى البلورة السحرية.
- مراد : أه .. كذا معقول ، يا حفيظ.. والله لو صح كلامك يكون دا يوم القيامة والساعة.

- نادر : بل هذا قليل من كثير. أعلم يا بك أن المستقبل...
- مراد : (مقاطعاً) بكفاية. أنا متشوق أعرف الكلام المهم.
- السنارى : نعم، الأمير بيريد يعرف مستقبله هو، لجل ما نقدر نتحقق إن كنتوا صادقين ولا لا.
- برهان : (بسرعة) المستقبل أمامك واسع معتمد يا طويل العمر.
- مراد : (يتجشأ بصوت عال) وإيش كمان؟!
- برهان : ولسوف يعطيك الله ثراء فوق ما أعطاك.
- مراد : (وهو يمسك بقمله بطرف أنامله ويرميها ثانية) وإيش كمان؟!
- برهان : ولسوف تحكم مصر وحدك دون شريك.
- مراد : (ينهض مستنكراً) مصر على إنفرادها؟ ومن يحكم بر الجيزة ويحرى والصعيد؟!
- برهان : (مرتبكاً) هذا قصدى يا فندم. مصر كلها وربما تفتح غيرها.
- السنارى : مثل إيش؟
- برهان : مثل السودان... والشام... وعكا... ومكة. وبلاد العرب مجتمعة!
- نادر : (ساخراً) نعم وتضمها كلها فى وحدة عربية وتصبح أنت ريسها!
- مراد : (للسفارى) معقول والله، باين عليه عالم بصحيح! (للخادم) أهرش لى ولد! وإيش كمان؟
- (نادر وبرهان يتبادلان نظرة دهشة وإرتباك).
- مراد : وبلاد الفرنجة، الطالع ما يقولش إنى أفتح حاجة منها؟
- برهان : (بتردد) تفتح! وعموماً يتم أبناءك وأحفادك هذه

- المهعة من بعدك؟
- مراد : الشربيات يا ولد (مبتهاجا) أولادى وأحفادى يحكموا من بعدى؟
- نادر : إن.. شاء الله..
- برهان : ولسوف يرزقك الله بالكثير من البنين والبنات؟!
- مراد : ما شاء الله (مستدركا) وإيش لزوم البنات؟!
- برهان : بلاش بنات يا فندم!
- السنارى : كل إल्ली شفته زين. ما لقيت فى الطالع شىء واحد سوء؟ إنت عراف ولا دجال يا سى برهان؟
- برهان : (بلهجة خشوع) الله يحمى سيدى البية من كل شر وسوء.
- مراد : وإيش السوء إल्ली يحمينى منه؟
- نادر : مرض خبيث. وتنجو منه. وعدو يتريص بك ويخيب مسعاه وذلك كله إن.. شاء الله.
- مراد : الله. الله إتفضلوا الشربيات يا فنديات.
- السنارى : ومين يكون العدو؟
- برهان : (هامسا لنادر) رد يا فالج.
- نادر : إسمه غير واضح فى الطالع، لكنه من مماليكك وغلمانك.
- السنارى : دا لا يمكن ولا يكون.
- مراد : مماليكى هارفهم، أنا إشتريتهم بحر مالى وأطعمتهم وجوزتهم وكسيتهم وعملتهم سناجق وأساتيذ وملتزمين، إزاي حد منهم يخونى؟
- نادر : بحكم طبائع الأمور. وما حدث على مر التاريخ والعصور.
- السنارى : وإنت بتقرا الطالع ولا الماضى؟

- نادر : نقرأ الماضي فنرى فيه وجه المستقبل.
- مراد : بزياده، انسدت نفسى، إرفعوا الشربات من قدامى، ومن قدامهم! (الخدام يرفع الأكواب ونراه يختلس رشفة من كوب مراد) .
- برهان : لا تغضب منا يا بك، هذا إجتهادنا، لكن كذب المنجمون ولو صدقوا.
- السنارى : لا، الكلام دا لا يناسب، إتحرز منهم يا بيه، دى دسيسه ومقصودهم يوقعوا بينك وبين خشداشينك وأجنادك.
- (الخدام يسقط فجاءة على الأرض).
- مراد : (يلتفت للسراج) إيش حصل له دا يا سراج؟
- السراج : الظاهر شرب من كاسك يا بك.
- مراد : (ينهض بفزع) خيانة. حطولى السم فى الشربات.
- السنارى : رقبتي فداك يا بك (ينزع سيفه) أشوف الخاين مين واجيب لك رأسه (يخرج مسرعا).
- مراد : صدقتوا يا أفندية. الخيانة جت من بيتى، م اليوم هتنزلوا بقصرى وما تفارقونى تانى، أرتب للنفر منكم خمس أكياس شهرى وقنطار سكر وعشر ترطال زيت (يخرج وخلفه أتباعه)
- برهان : الحمد لله، نفدنا بأعجوبة، السنارى كان منى عينه يدبشنا، لكن قولى عرفت المؤامرة دى منين؟ قريتها فى تاريخ الجبرتى؟
- نادر : لا، كانت رميه من غير رام، دا تاريخ العسكر فى أى مكان وزمان، خيانة وإنقلاب فوق إنقلاب.
- برهان : ياللا نهاجر فى الحال.
- برهان : لا يا نادر إحنا مكانا هنا فى وطننا، ثم إحنا هنا

ممكن نأخذ وضعتنا. ليه نهرب بعد ما نلنا الخطوة؟

نادر : نقيم عشان قنطار سكر. وعشر ترطال زيت؟

برهان : وإحنا كنا لاقينه فى زمانا؟

نادر : نقوم نعيش وسط الظلم والجهل، حياة العبيد؟

برهان : قال الله ولا فالك يا أخى. إحنا من صفوة

المتعلمين، هما الجهلة وإحنا المتنورين.. إحنا العور

يا صاحبى فى بلد العميان ودى فرصة إن الحاكم

وثق فينا، ليه نضيعها؟

نادر : وايه قيمتها (ومستدركاً بتفكير) إلا إذا.. إلا إذا

حاولنا نستغلها عشان نغير الواقع ده ونفرض على

الماضى تاريخ جديد..

برهان : يعنى إيه؟

نادر : يعنى لو قدرنا ننبههم للى هيحصل عشان ياخدوا

حذرهم.

برهان : وهو الحذر يمنع القدر؟ إنت أتجننت؟ عايزنا نغير

الماضى؟ عايزنا أنا وإنت لوحدا نحرك جبل تقله

قرنين من الزمن؟

نادر : إحنا إثنين بس دا صحيح. لكن نملك الوعي والعلم

بالمستقبل لو قدرنا نعمل تغيير بسيط هينتج عنه

أشياء كثيرة، لو علمناهم حرف جديد، فكرة

جديدة، طريقة للتفكير، ممكن نزعج عجلة التاريخ

ولو خطوة لقدام..

برهان : هى عجلة زى لعب الأطفال؟ دى عجلة التاريخ

والقدر المحتوم، ولو وقفنا فى طريقها تدوسنا.

نادر : لا.. دا مش مقدر ومكتوب ع الجبين.. الإنسان هو

إلى بيصنع تاريخه..

- برهان : بلاش تخريف.. دى مغامرة مستحيلة.
- نادر : (يحماس) بالعكس.. دى فرصة عشان نتدارك أخطاء الماضى.. تصور يا برهان لما تنبه الأذهان من دلوقتى لضرورة حفر القناة وسد أسوان.. لما نفتح المدارس والمعاهد، لما نطور الزراعة ونقيم الصناعة.. لما نلغى الرق والعبودية.. نلحق بركب الحضارة.. ويمكن نسبق كل الأمم.. وإحنا إالى نرفع العلم.. علم التقدم والإنسانية.. تخيل لما نتمكن من سد الحملة الفرنسية.. لما نساعد فى طلوع شمس الحق والعدل والحرية.
- برهان : إنت بتعلم.. لا.. إنت بتهلوس ويتخلط فى الكلام..
- نادر : نحاول يا برهان.. مش هنخسر إلا قيودنا.. لازم نحاول يا برهان لأن دا الشئ الوحيد إالى هيقلى لوجودنا فى الزمن الردىء دا معنى.

/ظلام

- (نسمع صوت نادر وبرهان أثناء الإطلام)..
- ص. برهان : أنا موافق أنه لازم يحصل تغيير لكن مش بالصورة
إلى بتقترحها مستحيل تنقل مجتمع بحاله من
العصور الوسطى للعصور الحديثة فى يوم وليلة.
- ص. نادر : أنا معاك.. لكن خلى بالك أنه ماعدش فاضل على
القرن الجديد غير سنين قليلة يعنى كل لحظة
متضيق مش هنلحق نعوضها.
- ص. برهان : ولو الضرورة تحتم أن التغيير يكون تدريجى وفى
إطار خطة موضوعية ومحسوبة بدقة.
- ص. نادر : (بثمالة) لا التغيير لابد يكون جذرى.
- ص. برهان : يبقى إسمح لى، إنت راخر تفكيرك خرافى زيهم.
فى صحتك.

المشهد (٤)

- المنظر : قاعة بالسلامك الملحق بقصر مراد .
باب إلى اليمين وآخر إلى اليسار وسلم يؤدي إلى
أعلى، أريكة، شلت.. إلخ.
(طرق على الباب الخارجى) .
برهان : (من الداخل) إفتح الباب يا عثمان.
عثمان : (يظهر) حاضري يا سيدى برهان (يفتح الباب فيظهر
القلق متنكراً فى ثياب سقا).
القلق : الميه.. (ثم بصوت خفيض) الدرا أمان؟
عثمان : اى نعم. واحد خرج والثانى جوه معتزل فى
أوضته.
القلق : حضرة الأغا باعتنى أعرف منك الأخبار.
عثمان : فضلت مراقبهم. وعينى عليهم زى ما وصتوني.
القلق : وإيش لقيت منهم؟
عثمان : أحوالهم غريبة وتصرفهم فى الأمور عجيب ومريب.
سيدى برهان أغلب وقته فى خلوته ساكك شبابيكها
ومتربس عليه زى دلوقتى..
القلق : وإيش بيسوى فيها؟
عثمان : الله أعلم.. الظاهر بيحضر جن وأرواح. أنا
بتمنت. أسمع منها أصوات عجيبة. إيش بيطلق
وإيش بيذن وإيش بيرن.
القلق : والثانى إيش حاله؟
عثمان : حاله ادهى وأمر، تصور يا سيدى أنى ما شفته
مرة نايم أو مآيل ساعة الضهيرة.
القلق : لاه؟
عثمان : وأغلب أوقاته بره، ولما ياخذنى معاه يمشينى فى

الحارات والأسواق يبخلق فى كل شىء، ويسأل
الناس أسئلات ياما عن أحوالهم ويقلب فى كل
بضاعة بدون ما يشتري أو يبيع حاجة..

القلق : وإيش غرضه من دى الحالة؟

عثمان : الله أعلم، لكن بعد ما يرجع يقعد حصه كبيرة من
الليل مولع الشمع وماسك ريشته يخط بيها فى
القراطيس ويسطر مكاتيب ما أعرف إيه سببها..

القلق : طيب إتنبه وإستحرص أكثر، وحاول تلطش كام
قرطاس منهم.

برهان : (ينظر ممسكاً ببعض الأدوات العلمية) مين يا
عثمان؟

عثمان : دا السقا يا سيدى بيعملنا الزير (القلق يخرج)
إنما يطلع إيه إالى فى إيدك دا يا سيدى؟
برهان : ليس هذا شأنك.

نادر : (يدخل من الباب مسرعاً) مساء الخير.

برهان : أهلاً يا نادر، مالك متسريع؟

نادر : (وهو يتناول أوراقاً بيضاء ويكتب بسرعة) أحمل
وأنا ماشى فى السكة أفكرت قصيدة. قلت الحق
أكتبها قبل ما تطير من دماغى.

برهان : قصيدة لمين المرة دى؟

نادر : لصالح جاهين، وإمبارح سهرت طول الليل ألف فى
كتاب رفاعة الطهطاوى إالى إسمه تخليص الإبريز
فى تلخيص باريز.

برهان : إالى يشوفك يقول إنت بتألف بجد مش بتكتب
ملخصات.

نادر : الكتب هى إالى بتتلخص، لكن القمايد لازم

- أفكرها زى ما هي.. أنا متهيألى إن الواحد ابتدا
يفقد الذاكرة. وإنتم عملت كام إختراع النهاردة؟
- برهان : إخترعت الميكرفون.. والجرامفون والتليفون!
- نادر : بس؟ ليه الكسل دا؟
- برهان : ما تنساش، إن إكتشاف البطارية أخذ منى أسبوع
بحاله، ودى يدوب متظهر اليومين دول فى أوربا.
- نادر : والمطبعة يا برهان، المطبعة مهمة جداً، أنا شغلى
كله متوقف عليها أعمل معروف.
- برهان : إطمئن، عملت لك مطبعة يدائية لكن تقضى
الفرض.
- نادر : أنا حظيت لستة بأسماء عشر كتب أبتدى بيها
مشروع التثقيف، كتب للأفغانى والكواكبي
والطهطاوى والنديم ومحمد عبده وقاسم
أمين.
- برهان : قاسم أمين؟ أوعى تكون ناوى تألف كتاب تحرير
المرأة؟
- نادر : ليه لا .
- برهان : مش وقته يا برهان. واحدة واحدة. كفاية أنى
هتخطى بيهم عصر البخار وأدخلهم عصر الكهرباء
«ديركت».
- نادر : ولو.. لازم جنب ده نديهم منطق جديد لرؤية
الدنيا.
- برهان : بالعكس لازم نبدأ بالشىء الأهم قبل المهم. لازم
نذهلهم ونبهرهم بأدوات الحضارة عشان ناثر فيهم
وبعدين نقنعهم باللى إحنا عايزينه.
- نادر : طب إمتى هنفرج مراد بيه ع المخترعات ونصارحه

بحقيقة المستقبل؟

برهان : أصبر يا نادر، الكون ما تخلقش فى يوم واحد.

وأنا إشتطت عليك خطة التغيير لازم تبقى بالتدريج وإلا يحصل لهم «شوك» حضارى.

نادر : اديك نستنى بقية القصيدة (ويقرأ بصوت عال)

«أدى اللى كان وادى القدر والمصير

نودع الماضى وحلمه الكبير

نودع الأفراح

نودع الأشباح» (x)

(ثم يكرر المقطع الأخير محاولاً التذكر)

برهان : (يسمع طرق على الباب) مين؟

صوت : أنا الأفا.

برهان : (يخوف) إيه إللى جابه؟ أستر يارب.

نادر : وخقت ليه، إمسك أعصابك ومتنساش إن إحنا

أذكى منهم كلهم.

برهان : ما هى دى المصيبة لازم نخبى ذكائنا لأنه محسوب

علينا.

الأفا : (يظهر فى الباب) السلام عليكم.

نادر : أهلاً بسيادة اللوا (مستدركا) أقصد الأفا!

الأفا : مراد بيك جأى يزورك ويفتش على أحوالكم

(وينسحب).

(يدخل مراد والسنارى والشيخ).

برهان : (ينحنى) أهلاً باليكوات ومرحباً، معاليكم شرفت

السلامك والمندرة!

مراد : وفر كلامك، إحنا بلغتنا أقاويل عنكم وجينا نتحقق

(x) من قصيدة «مفترق الطرق» لصلاح جاهين .

- بنفسنا.
- برهان : خير يا فندم؟
- السنارى : من أفعال غريبه بتجرى هنا من ورا ضهرنا. إيش بتسوى فى خلوتك؟
- نادر : مخترعات وإبتكارات جديدة كنا ننوى عرضها عليكم.
- مراد : إذن أعرضوها علينا. أقعد يا سنارى. وإنت يا مولانا مشان تفتينا.
- برهان : أنتظر مثلاً يا بك. هذا نموذج مصغر لعربة يد، يدفعها العامل فتتحرك بسهولة وتوفر الجهد.
- مراد : وهما الفعلة إشتكو لك؟؟ شىء بارد. إنت بتدور على راحتهم ولا راحتنا؟
- نادر : المصلحة واحدة يا بك؟
- السنارى : ومين يفرم تمن العربية.. إحنا ولا هما؟
- برهان : لكنها ستوفر لكم الوقت.
- مراد : وإحنا ما ورانا شىء!
- نادر : بلاشها. هذه مطبعة. تصنع من الكلام المكتوب نسخاً مكررة فتنتشر الثقافة والعلوم المختلفة.
- السنارى : لكن دا شىء يفتح عيون العامة.
- برهان : نطبع بها القرآن الكريم والأحاديث الشريفة وحدها.
- الشيخ : كتاب الله ينطبع بهذه الطريقة؟ هذا كفر، وبدعة شنيعة.
- برهان : خلاص. نكتفى بطبع أوامركم لاجل ما كل الرعية يفهموها.
- مراد : إحنا ما يهمنى يفهمونا.

- السنارى : اى نعم، إن فهمونا إتجراوا علينا وكشفونا!
- الشيخ : وما هذا ؟
- نادر : هذا ميكرفون يا مولانا .
- السنارى : إيش تقول؟
- برهان : يقصد مكبر صوت، يضمخ الأصوات عدة مرات،
إسمعوا بأنفسكم يا حضرات، بسم الله الرحمن
الرحيم. أعوذ بالله من الشيطان الرجيم. أَللّهم
إمنح صوتى القوة. إنك سميع عليم.. الو.. الو..
واحد إثنين ثلاثة أربعة.. الآن نجرى بعض
التجارب!
- مراد : بزيادة.. يا حفيظ. دا يسبب الطرشان للودان.
- نادر : هذا لا يستعمل فى غرفة صغيرة، إنما فى مخاطبة
الجموع الكبيره.
- برهان : ويمكن إستخدام عدد منه فى أنحاء المدينة فيكون
عندك إذاعة عظيمة.
- السنارى : لا. دى تسبب زعجة كبيرة، ورونا غيرها. دا إيش
يكون؟
- نادر : دا تليفون.
- برهان : يقصد مسرة يا كتحدا.
- مراد : عال. عال. إحنا نحب المسرات كتروا منها!
- الشيخ : أى نوع من المسرات. حرام أم حلال؟
- برهان : ليست مسرة من السرور، بل من الإسرار، تسر
بالشئ وتبوح به.
- مراد : يعنى مقصودكم تنقلوا أسرارنا وتفضحونا؟!
- نادر : لا هو على الأصح إسمه هاتف يا برهان .
- مراد : والهاتف جالكم وقالكم إيه ؟

- برهان : ليس بهاتف يا نادر ، هو جهاز ينقل الأصوات من مكان لمكان آخر.
- السنارى : ومين ينقل الأصوات، الجمال أم اليقال ؟!
- نادر : بل هذا السلك.
- برهان : (هامسا) إسكت إنت (السنارى) إذا أردت أن تجرب بنفسك فلتتفضل جنابك بالطلوع إلى الدور العلوى.
- السنارى : لأى سبب ؟
- نادر : سيتحدث إليك من جهاز آخر . تفضل معى.. (يخرجان).
- الشيخ : هذا أخرج شىء سمعته فى حياتى (جرس التليفون يدق فينتفض) يا لطيف اللطف ما هذا الحس ؟
- برهان : إنه جرس الهاتف (يرفع السماعة) ألو.. أنا معك يا نادر. (يناول السماعة لبرهان) قل ألو.. وإسمع جنابك .
- مراد : ألو (ثم بإنفعال وهو يلقي السماعة) دا حس السنارى بنفسه !
- برهان : صدقت ؟ إمسك جنابك باليد وكلمه .
- مراد : (يمسك السماعة وبتردد) ألو (لبرهان) إيش أقوله بعدها ؟
- برهان : أى شىء تريد قوله .
- مراد : ألو.. يا سنارى، إنت سامع حسى ؟ لا إله إلا الله.. بيقول آه ! إيش أقوله دلوقتى ؟!
- برهان : أى شىء تريد قوله.
- مراد : بدون ما أقوله ألو.. ؟! ألو يا سنارى ، تعال هنا بسرعة وإسمع حسك ! دا شغل عقاريت بأى كيفية

وصل الحس جوه السلك ؟

برهان : بأمر ربى وريك يا بك.
مراد : (للسنارى الذى دخل ومعه نادر) الحق إمسك باليد
وكلم نفسك.

السنارى : (يضع إذنه على السماعة) ما فى حس .
مراد : لازماً تعزم فى الأول بكلمة السر وتقول ألو!
السنارى : لا . يرضه ما فى حس .
نادر : هذا طبيعى لأنك تركت الحجرة الأخرى وجئت إلى
هنا ؟

الشيخ : (يتناول السماعة ويضع إذنه عليها) وأنا أيضاً لا
أسمع شيئاً..

برهان : نعم، لأنك لم تذهب إلى الحجرة الأخرى وبقيت هنا.
السنارى : وإيه لزمة التعميد بقى ؟ الأصلح أجى للبك وأكلمه
بنفسى.

نادر : لكن هناك فرق ...
السنارى : (مقاطعاً) أى نعم. الفرق أنى بدون جهازك أقدر
أسمع البك وأشوفه كمان.. دى ملاعيب حواة..
ومقصودهم يفرقوا بينك ناسك.. يكلموك من بعد
بدون ما تشوفهم أو يشوفوك يا بك.

مراد : معاك الحق يا سنارى . معاك الحق.
نادر : إن كنت تريد أن تسمع صوتك فهذا أيضاً ممكن
(لبرهان) أعرض عليهم الفونوغراف.

برهان : يقصد الحاكى يا قندم (يشغل الجهاز) وهو جهاز
يحتفظ بالأصوات ثم يعيدها على مسامعنا متى
شئنا.

مراد : يحتفظ بيها فى ؟ فى الدولاب ولا تحت البلاطة ؟!

- برهان : بل هنا على هذه الإسطوانة ؟
- السنارى : دا شيء ما يقبله عقل .
- نادر : دعه يجرب . إقترب من الجهاز وتكلم .
- السنارى : إيش أقول ؟
- مراد : قول ألو. أو أى شيء تريد قوله !
- برهان : لقد سجلت حديثنا بالفعل. إسمع يا بك .
- حس. مراد : (من خلال الجهاز) يحتفظ بيها فين فى الدولاب ولا تحت البلاطة .
- مراد : الله أكبر، دا حسى أنا..
- حس. برهان : (من خلال الجهاز) بل هنا على هذه الإسطوانة .
- السنارى : دا شيء ما يقبله عقل (ثم يتكرر الحرف الأخير)
- عق.. عق.. عق..
- مراد : (ضاحكاً) الكلام وقف فى زورك يا سنارى !
- السنارى : إنتو غرضكو تعملونى مهزاة يا أقنديات (يشهر سيفه).
- برهان : (بخوف) معذرة، نعتذر عن هذا العطل الفنى !
- وسوف أصلحه حالاً فيرجع صوتك لطبيعتة .
- السنارى : ما بريد حد يسمعه. إيش فائدة الألاعيب دى ؟
- الشيخ : نعم. إيش فائدة الإستخراج مدام بيكرر الكلام ذات نفسه ؟
- نادر : لكى نعرفه ونتذكره بحرفه .
- مراد : لكن إحنا عارفينه وفاكرينه ومالنا حاجة ببغبغان يعيده .
- برهان : طيب، أستطيع أن أصنع لفخامتك أشياء كثيرة .
- مثلاً أصنع لك ثلاثة. وهى دولاب كبير يبرد الشراب والطعام ويحفظه لعدة أيام .

- مراد : والاكل يبقى له طعم وهو بارد ؟
- نادر : نصنع لك سخان يعيد تسخينه .
- مراد : ودنك منين يا جما .
- برهان : أقدر أعملك مصباح يخسء دون فتيل وزيت .
- وسيفون يطرد الفضلات إلى البلوعات
- نادر : وقداحه تشعل النار بأمان وراحة ..
- برهان : وخلص يطحن الغذاء .
- نادر : ومروحه تجلب الهواء ..
- السبنارى : ها ها ودواء يشفى من كل داء، وشربه تنزل الدود .
- قلت لك يا بك، دا شغل بكاشين وحواة وملعبيه
- قرود . (يصطدم عقوا بلعبة موضوعه فتتحرك
- وتصدر موسيقى، ينزع سيفه بإرتباك) تحرز
- مؤامرة يايك !
- نادر : لا . بل لعبة أطفال . تما لك نفسك ياكتخدا .
- مراد : يالك . دا شء جميل لطيف التكوين، بريدها للولاد
- يتلهوا بيها .
- برهان : هذا الإختراع صعب للغاية وتكلفته كبيرة .
- ولكن أصنع لك عشرات لو أردت .
- نادر : (هامسا) إيه لعب العيال دا ؟ كده هنخسر
- قضيئتنا .
- برهان : بالمعكس المهم نبسطه ونبقى من أهل الثقة .
- مراد : هى دى الإستخرعات بحق . لو صح عقولكم نيره
- وبدكم تعملوا عمله فيها الفايده، تقدروا تحولولى
- النحاس لذهب ؟
- نادر : هذا محال يا بك .
- برهان : (يلكزه) لكننا سنحاول تدبير الأمر .

- السنارى : وبالمرة لو تقدروا تعملونا طاقية إخفا .
- الشيخ : نعم. هذا أفيد من تضييع الوقت فى تهويمات فارغة .
- نادر : لا يا حضرات هذا كله نصنعه لأجل أن نواجه المستقبل (لبرهان) أن أوان تبصيرهم يا برهان .
- برهان : نعم ؟ ولكن تكلم إنت .
- مراد : وغشتونى، إتكلم قوام .
- نادر : لقد رأينا فى الطالع أمراً خطيراً لم يكن فى الحساب، إذ يحدث فى المستقبل القريب العاجل، أن يأتى رجل من الفرنسة إسمه بوتابرتا . يأتى على رأس جيشه بحملة، وهدفه غزو بلادنا .
- الشيخ : لكن الفرنسة أصحاب مولانا السلطان العثمانلى .
- نادر : هذه سياسة والسياسة تبنى على الخداع والحيلة .
- مراد : ولو عموم الفرنجة ما يستجروا يهويوا نواحى بلادنا، وإن إستجروا ما يقدرُوا علينا، دول فسوق، إتخلقوا للاكل..
- السنارى : (ضاحكا) أى والله وشهية جنابك عظيمة يا بك .
- الشيخ : دا غير أنى سمعت أن ينقصهم الخيل والخيالة..
- مراد : كمان ؟ مال، ان جم أشرحهم يسيفى زى الشماعة .
- نادر : إنت ساكت يا برهان ؟ ما تتكلم .
- برهان : يا بك . النجوم تدل على أنهم فى برج سعدهم، يكفى أن تعرف أن أسطولا إنكليزيا سيطاردهم فى البحر ليمتقبهم ولكنه يسبقهم إلى الاسكندرية، وعندما لا يجدهم يرحل قيل مجيئهم .
- السنارى : بسيطة . نعمل سياسة حكيمة، نطلب من الإنكليز لما ييجوا يتأخروا لحين حضورهم ونسيبهم يقتلوا

- بعضهم ويكده نتخلص منهم.
- نادر : وما أدراك لو إتفق الإثنين علينا، أو إنتصر أحدهما على الآخر ثم تحول إلينا ؟ لا الأفضل أن نعتد على قوتنا الذاتية.
- مراد : وإمتى يقول الطالع أن الكلام دا حاصل ؟
- برهان : بعد عامين أو أكثر قليلاً.
- مراد : ياه، يحيينى ربك ويحييك ووقتها يحلها الحلال.
- برهان : لكنهم يخططون لحملتهم منذ سنين، فلا أقل من أن نعد لهم العدة من الآن.
- مراد : (مفكراً) طيب، إبتعت لشرايه زيادة فى المالك والجياد والخصيان.
- نادر : لكنهم سيأتون بعمارة كبيرة مسلحون بقنايل شديدة غير معهوده.
- مراد : يعنى تشوفوا إيش يكون الحل؟
- برهان : إطمئن يا بك، أنا قادر بمشيئة الرحمن أصنع لك قنايل أشد فتكاً منها.
- مراد : عال .. يبقى خلصنا.
- الشيخ : بس أنا أعرف نفر من زملائنا العلماء الواحليين يقدر يقرأ على الفرنسيين بيدد جيوشهم ويسخطهم قرود فى الحال.
- السنارى : دا الكلام العال ، ويبقى كفى الله المؤمنين شر القتال.
- مراد : أقول لكم، نمشى فى الحلين، وربنا يقدم ما فيه الخير.
- نادر : ويبقى أن تقوى حصون الأسكندرية وأن تجهز عدداً من المراكب تحمل إليها المدافع والذخائر.

- مراد : الأمر بعمل الفلايين من ذا الحين، وأعين عليها
غليونجية خصوصى ومساكر بحرية وادر عليهم
الجماكى والأرزاق الكبيرة. ينقص شىء ثانى ؟
- نادر : نعم. دعنا ننقذ إختراعاتنا فسوف تساعدنا فى
صد الحملة.
- مراد : لا مانع .. ما عليه شىء.
- الشيخ : لا. دى بدع وكل بدعة ضلال وكل ضلالة فى النار.
- مراد : إنت بتعترض علينا يا مولانا ؟
- الشيخ : لا طاعة لمخلوق فى معصية الله سبحانه وتعالى.
- مراد : يبقى تلزم دارك أحسن لك .. وأعتبر روحك منفصل
عن وظيفتك.
- الشيخ : اللهم بلغت ، اللهم فاشهد.
- السنارى : يا مولانا راجع نفسك.
- الشيخ : إطلاقاً .. إلا إذا.
- برهان : إلا إذا ماذا ..
- الشيخ : إلا إذا أخفيناها عن عيون العامة، حتى لا تفتنهم
وتشغلهم عن فروض العباداة.
- مراد : خلاص الشرط لحين ما تعملوا المنطلب منكم ..
يفضل الأمر سر بينا وبينكم ..
- نادر : لكن العلم لا يكون له نفع إذا ظل سراً وحكراً على
البعض.
- برهان : بل ممكن ولو إلى حين (لمراد) موافقون يا بك
موافقون ..
- مراد : يا سنارى .. شوف مطلوباتهم وإتجهز لعمل اللوازم
(يتحرك).
- السنارى : (متحركاً خلفه مع الشيخ) جاهز تمام أفندم ..

برهان : (خارجاً خلفهم) حضراتكم أنستم وشرفتم ونورتم..
(الإضاءة تخفت، نادر يبدو شارداً يوقد شمعدان
يعود ثقاب).

برهان : (عائداً) هيه، هل إرتحت الآن ؟
نادر : لسه.. لكن دى بداية على أى حال (وفجأة) برهان
إفتكرت بقية القصيدة ..

«أدى إल्ली كان وادى القدر والمصير
نودع الماخى وحلمه الكبير
نودع الأفراح
نودع الأشباح»

(وهو يجرى ليكتب) بعدها..
«راح إल्ली راح ما عدش فاخزل كثير».
برهان : (مكملاً) «إيه العمل فى الوقت ده يا حديد غير
اننا عند إفتراق الطريق..

برهان (وقد تذكرنا معا) « نبحس قدامنا
ونسادر : على شمس أحلامنا
نلقاها بتشق السحاب الغميق. »
(يبدآن فى غناء المقطع من أوله يتوافق ذلك مع
سماعنا للأغنية فى الخلفية تبدأ خافته وتعلو
تدرجياً حتى نزول الستار).

(نهاية الفصل الأول)

الفصل الثاني

المشهد (٥)

المنظر : حارة بالقاهرة.

حائط مسجد، يواجهه جزء من بيت منخفض له مشربية دكان قهوة له دكك أو مصاطب. بائع بسيوسة واقف، بائعة فجل جالسة بمشنة، مارة، زبائن للدكان. باعة جائلون، سقا، طلبة أزهر، قوداتي، شحاذ.. إلخ الحركة تجرى ببطء للغاية الأصوات مختلطة ونسمع نباح كلاب.

مجنوب : (ير وفى يده مبخره) حى..

(منادى يظهر وهو يدق طبلة، يتجمع حوله بعض الناس).

المنادى :

يا أهالى مصر المحروسة، الحاضر يعلن الغايب.. لما كتر شكوى الرعية من الأحوال.. سمع إبراهيم بيك ومراد بيك إلى الوالى أبو بكر باشا فى القلعة، وحدثوه فى مصلحة الناس والعامه، وأنزلوه من القلعة، وأخبروه أنه منفصل عن منصبه، وأتعين إبراهيم بك عوضاً عنه، قائم مقام المحروسة.

وأنتنوى بإذن الله من دى اللحظة يعمل ما فيه الخير لمصالح المسلمين أجمعين، آمين..

يا أهالى مصر المحروسة (يخرج المنادى بينما يظهر نادر وهو يسير حاملاً كتباً وأوراقاً يسجل فيها ملاحظاته وهو يتأمل الأحوال).

(يظهر القلق متخفياً فى زى بائع جوال وهو يتابعه ويراقبه).

- شماذ : (يقترب من نادر) حسنة لله يا سيدى..
- نادر : الله يسهلك يا عم.. (ثم يتوقف أمام بائع
السبوسة)..
- البائع : بسبوسة.. قشطه.. إقطع لك خرطة يا خواجه؟
- نادر : أنا مش خواجه.. وغطى البضاعة الدبان بيعف
عليها.
- البائع : قول يا باسط.. أقطع لك خرطه يا بيه؟
- نادر : أنا مش بيه.. والدبان دا يسبب الأمراض للناس.
- البائع : الرب واحد والعمر واحد.. خليها على الله..
- نادر : (وهو يكتب) التواكل والقدره تسبب القوضى
واللامبالاه.. فإذا أردنا التغيير يجب...
- بائع : حشيش وأفيون، معايا أفيون نمره واحد، معايا
المزاج (لكن يظهر برهان بملابس قديمة راكباً
حماراً والمكارى أمامه).
- المكارى : وسع السكة، طريق يا خلق..
- برهان : نادر.. (للمكارى) أربط هنا يا مكارى!
- المكارى : أمرك يا مولانا.. (يوقف الحمار).
- نادر : برهان ؟ .. أنا ما عرفت كش..
- المكارى : (وقد أخذ نقوداً من برهان) دى أجرة الحمار فين
بقشيشى ؟ ..
- برهان : خذ وأدعى لى..
- المكارى : ألهى رينا يعمر بيتك، ويعلى مراتك ويكثر زيتك،
شى يا حمار.. (يخرج).
- نادر : إيه دا يا دكتور إالى إنت لايسه دا ؟ .. إنت بقيت
منهم ؟ ..
- برهان : المثل بيقول كل ما يعجبك وإليس ما يعجب الناس..

- نحن مضطرون أن نليس لكل عصر حلت.
- نادر : بس الدنيا ولع.. طابق الهدوم دى كلها إزاي؟..
- برهان : سوف ألبسها عند الخروج وأخلعها عندما أعود (ويصوت خفيض) كنت هايزنى أقابل اليكوات بالجينس؟
- نادر : طب طمنى إيه الأخبار؟
- برهان : مهلاً، إنتظر ربما ألتقط أنفاسى. تعال نرتاح فى هذا الدكان.
- نادر : إنت خلاص نويت تتكلم بالنحوى على طول؟..
- برهان : العامية لغة السوق.. أما الفصحى فهى لغة العلماء، الجميع هنا يحترمون من يتحدث بها، وأنصحك أن تحذو حذوى..
- نادر : لا يا عم مقدرشى..
- برهان : لماذا، أنها لغتنا الجميلة؟
- نادر : نعم.. هذه حقيقة ولكن! (مستدركاً) دى ما تبقاش ميشه لما نتكلم بيها الكلام العادى!
- برهان : كلا إنها مسألة تعود ليس إلا.. جرب وستجدها سهلة يسيرة (ينادى) يا قهوجى.
- نادر : برهان.. جراك إيه.. إحنا إتفقنا نغيرهم، مش هما إللى يغيرونا.
- برهان : لا بأس أن نتشبه بهم فى الشكليات.. فهذا سهل من مهمتنا.
- نادر : والله أخشى أن تندمج وتصبح من أهل الماضى (مستدركاً) أنا بقول إيه أنا راحر؟! المهم إحكلى عملت إيه عند مراد بيه.
- برهان : إطمئن بالآ يا نادر تم تفجير أول قنبر من صنعى..

خلال شهور سنصبح أكبر قوة رادعة فى المنطقة!
يا قهوجى.

نادر : يعنى إقتنعت أن التغيير ممكن ؟
برهان : الظاهر إنك كنت على حق..

بالحق.. قدمت الٱتهانى لمراد بك بمناسبة عزل الوالى
وجددت له البيعة (مستدركا) بأسمى وإسمك
بالطبع.. وطلب أن يأخذ القال منى قبل أن يقدم
على بعض الأعمال وتخابث ولم يخبرنى بها، لكنى
أجبت بٱنه فى برج سعده ويمشينة الله بالٱ هدفه.
نادر : وإنت تعرف حاجة عن مشاريعه ؟..
برهان : لا طبعاً.. هو أنا منجم؟. لكن لايد أجاوبه بهذه

الطريقة، فإن وفقه الله ثلنا الحلاوة.. وإذا خاب
مسعاه قلنا أن الله أعلم بعبيده.

وأهدانى بهذه المناسبة سبحة نفيسه أنظر..
نادر : غريبة حكاية عزل الوالى أنا متأكد أن الجبرتى ما
قلش فى تاريخه أنه إتعمل، بالعكس دا حكى أنه
كان موجود فى منصبه لحد ماچت الحمله.

برهان : يعنى إيه..
نادر : يعنى الحادثة دى ممكن تبقى طارئة على التاريخ
إلى إحنا عارفينه..

القهوجى : اى نعم.. يتنده عليا ؟
برهان : نعم.. نريد فنجانين من القهوة، وهات لى إيشأ
نرجيله.

القهوجى : من عنيا يا أفنديه.
نادر : (وقد سمع أصوات مدافع). دى فيه مدافع
بتضروب..

يرهان : لا تقلق.. فقد دعى مراد بك إبراهيم بك إلى وليمة بالقلمة، وهذه المدافع تطلق إبتهاجاً بالوحدة بينهما.. لاحظ قوتها.. لقد عمروها بالقنابر التي صنعتها.

نادر : فعلاً أنا قلت الحرب وقعت.

يرهان : للأسف، حاولت أن أظفر من السنارى بدعوة للحفلة لكنه قال أنها مخصصة للبكوات ومماليكهم فقط وإن كان وعد يرسل لنا نصيينا من الذبائح والشربات والحلوى.

القهوجى : (يحضر المطلوب) تحب احط لك حشيشه أو أفيونه؟!

يرهان : لا.. شكراً لك.

القهوجى : بكيفك يا عسل.

نادر : تصور إننا بنصدر أفيون ثمرة واحد إلى باقى العالم، وإننا أكبر بلد يصدر الخصيان ويستورد العبيد والجوارى.

يرهان : لكن العصر ملىء بالخيرات، أنظر كم ثمن رطل الزبدة؟ وكم بيضة تشتريها بنصف خرده؟ الأسواق تعج بالسكر والزيت والعسل والمسلّى.. ألم تر... كل هذا؟.

نادر : رأيته ولكنى رأيت أيضاً جيوش المتسولين والجوعى، رأيت جمعواً من المشوهين والمكفوفين والمرضى.. أنظر حولك ترى القوضى فى كل مكان والقذارة والتواكل والبلادة.. كل شيء هنا يمشى بطيئاً متمهلاً، الجمال والناس والأفكار والكلام.

يرهان : يا ساتر.. غريب أمرك يا فتى، لما لا تر ألا ما هو

قبيح أو ردىء وتعمى عيناك من الجمال من حولك..

نادر : أى جمال تقصد؟

برهان : إنت الذى تسأل يا فنان؟ كنت أتوقع أن تتوقف

عند العماثر الإسلامية الجميلة، الأسبله

والمشربيات، الوكالات والتكايأ، بركة الأزبكية،

والخليج والبساتين المحيطة، الجياد العربية الأصيله

السجاجيد والثرايا الدكاكين والقصور والتحف

والمنمنمات والزخارف المكفته بالذهب والفضة. ألم

تر كل هذا ؟

نادر : رأيت ولكنى أنظر للواقع بعين المستقبل فافتم

وأحزن، رأيت ولكنى أتجاوز بفكرى ما هو كائن

إلى ما هو ممكن، تتوقف عينائى عند القبيح

والدميم وتثبت، لأنى أريد أن أجتته وأتخلص منه،

لا وقت لكى نمدح أنفسنا ونرضى بحالنا.

برهان : إخفض صوتك.. ربما كان أحد البصاهين حولنا.

نادر : طيب قوم بينا ندخل الجامع نصلى.

برهان : إدخل الجامع معك وإنت بالملابس الأفرنكية؟.. إنت

عايز تعملنا فرجه للخلق ويطردونا بزفه؟.. قم بنا

نروح بيتنا.

(مشربية بالبيت المواجه تفتح وتطل منها أمراه).

نادر : إستنى.. الحق بى مش دى سلمى..

برهان : سلمى إللى كنت يتحبها؟ مستحيل.

نادر : هيه أهه؟..

برهان : لا.. ليست هى وإن كانت تشبهها الخالق الناطق.

نادر : لكن دى بتبص لى..

برهان : إتقى الله وغض إنت بمرك.. الناس تلاحظك..

- نادر : متى قادر (المرأة تختفى من المشربية).
- برهان : إحذر.. البصبصة هنا ليست مسألة هيئة، لو شافك أحد من عائلتها أو حتى أهل حيها تتدبح..
(تظهر المرأة خارجة من البيت وخلفها عبد وتخفى وجهها)..
نادر : (يهم بالنهوض) لازم أكلهما..
برهان : إجلس يا مجنون وراها عبد يحرسها..
نادر : طب أعمل إيه.. أنا لازم أكلهما..
برهان : عليك بالحلال، إنتظر للغد حتى أسأل عنها وأحضر لأخطبها لك من أهلها (تخرج المرأة)..
نادر : وهو معقول.. فيه عيلة تقبل تناسب حد زينا ؟..
برهان : ولما لا؟ ياما مغاربه وشوام واروام وحتى أجانب ويتزوجون مصريات.
نادر : الاغراب بيقبلوهم بعاداتهم والأجانب بيغيروا دينهم لكن إحنا مشكلتنا إننا مصريين ومسلمين لكن مشكوك فى أمرنا.
برهان : أبدأ، المشكلة أننا لم نأخذ وضعنا.. لو كنت تملك القصور والأطيان أو البغال القاهرة يقبلوك!.
صدقنى، إنها المعادله نفسها فى أى عصر.
نادر : يبقى الأحسن تقولى إنساها إزاي..
برهان : بسيطة هندك النسوان البطالة..
نادر : النسوان البطالة ؟
برهان : أى نعم تلقاهم فى أماكن مخصوصه يسمونها مواقف الخواطى.. أشهرها فى وش البركة..
والأسعار إيه.. حاجة ببلاش كده!
نادر : وإنت إيه إالى وداك هناك يا دكتور ؟

برهان : أبداً.. ذهبت للفرجة ليس إلا.. أى والله! تصوران
الضرائب تأخذ منهم ضريبة ملاهى زى إللى كانوا
بيأخذوها ع السينما والمسرح عندنا.
(يدخل طالب أزهرى مسرعاً ويتجه للجالسين فى
الدكان)..

طه الأزهرى: سمعتوا الأخبار ؟
الجالسين : إيش حصل ؟
طه الأزهرى: النار والشنار فى القلعة، البكوات قاموا على
بعض.

نادر : لابد أنه صراع على السلطة.. هذه هى عادتهم.
برهان : إسمع وإنت ساكت يا متهور.
شعبان : اللهم إضرب الظالمين بالظالمين.
رجل : إحكى لنا إللى سمعت..
طه الأزهرى: مراد بيه فى آخر الوليمة إللى كان عاملها، سك
الأبواب على ممالك إبراهيم بك وهما خارجين فى
الطرقه وضرب عليهم من فوق بالبندق والبنب..
بيقولوا كانت مديحة ومقتلة عظيمة.

برهان : لا إله إلا الله.. أستر يارب.
نادر : (ينظر لبرهان) برهان، وإنت عند مراد بيبك، حكيت
له حكاية محمد على ومديحة القلعة؟
برهان : (مرتبكاً) نعم، كيف عرفت ؟
نادر : دا واضح.. إنت إللى أوحيت له بفكرة المديحة.
برهان : والله دون قصد، حكيتها له بقصد التسلية على
أنها حكاية خيالية.
نادر : يعنى مراد بيبك أصبح حاكم مصر المطلق.. وهذا لم
نقرأه فى التاريخ.

برهان : لكن الحق يقال مراد بك مش وحش. إلى حواليه
هما إلى وحشين، والحمد لله إننا تنبأنا له بما
حدث بالفعل.

نادر : بل قل إننا بكلامنا أوحينا إليه بالفكرة وشجعناه
عليها

برهان : المهم أننا بدأنا نؤثر في التاريخ ونغير مجراه
بالفعل.

نادر : لا بل المهم أن نتحكم نحن في توجيهه إلى حيث
نريد (يلتفت إلى الجالسين) يا إخوان.
(الجميع يلتفت نحوه) واضح أننا على أعتاب
مرحلة فاصلة جديدة...

برهان : نادر.. ماذا تفعل بالله عليك؟

نادر : وعلينا جميعاً أن نتكاتف ونفكر ماذا نفعل من أجل
مصرنا الحبيبة... مصر الغد... مصر المستقبل.
أيها الأخوة المواطنين.

برهان : أسكت يا متهور.. أسكت.. (ويحاول جذب).

(إسلام)

ح. نادر : أراك يا وطني لوحة باهتة الظلال. رسماً بلا ألوان.
زرع وطن وناس وتلال ، كتل صماء جامده... لكنها
معبره، توشك أن تنطق، لو كان ينطق التمثال.
وحينا إراك سوقاً للأغنام والشعراء والبخساع،
يختلط فيك الحابل بالنابل والحق بالباطل، ويمتزج
البؤس والجلال. أراك شمساً وقمرأً وسنابل قمح
وحقول صبار، أراك كسرة خبز وحلية مشفولة
وأيقونه، وعود بخور ومزمار، نغم شجي آسيان،

وعزف بغير إنتظام..

ح. برهان : إنت بتدن فى مالطه .

ح. نادر : هو حرام أكلم حتى نفسى؟

ح. برهان : سموت أفكارك أعلى من اللازم .

المشهد (٦)

- المتنظر : مسكن نادر وبرهان بالسلامك.
(تسمع ضحكة أنثوية من الداخل، ثم طرق على الباب الخارجى يظهر عثمان).
برهان : (من الداخل) يا عثمان.. إن سأل على أحد. أنا مشغول الآن.
عثمان : (تسمع ضحكة أخرى) مفهوم يا سيدى (يفتح الباب يدخل نادر معه لفافة).
نادر : عثمان، إدفع للمكارى حق التوصيلة ما عدش معايا ولا باره.
عثمان : حاضر (يخرج من الباب بينما يظهر برهان وقد ربى ذقنه وهو يسبح).
برهان : أهو إنت يا نادر؟ وما هذا يا ترى؟ (يفتح اللفافة فيرى تمثالاً فرعونيا) يا ساتر.. مسخوط؟
نادر : لقيت تاجر ببييعه فى السوق لواحد خواجه، الدم غلى فى عروقى. إضطريت أشتريه باللى كان حلتى.
برهان : بهذه الطريقة ستظل مفلساً طول حياتك.
نادر : ما قدرتش أتحمل أشوف كنوزنا الأثرية تتباع للأجانب.
برهان : وهل ستشترى أيضاً أجزاء المعابد والمسلات الفسحة التى ينقلونها تبعاً إلى بلادهم؟
نادر : لا بد من تنبيه المسؤولين لتجريم ذلك، إنظر إلى جمال التمثال.
برهان : نعم ولكنه فى هذا الزمان لا قيمة له.. عندى لك ما

- هو أجمل.. مفاجأة سينسرلها قلبك.
- نادر : لا شيء يمكن، يسعدنى إلا إذا غيرت ما نحن فيه بأسرع ما يمكن.
- برهان : حتى لو شقت أمامك حبيبة قلبك؟
- نادر : مين ؟ سلمى ؟ مش ممكن.
- برهان : بل ممكن حتى لا تشكو خلو العصر من الحب والنساء.
- نادر : وهى فين ؟
- برهان : رهن إشارتك (ويصفق) إظهر ويا ن عليك الأمان.
- أمنة : (من الداخل) نعم ياسى برهان ؟
- برهان : تعالى إلى هنا فى الحال (لنادر) النسخة الأخرى تسمى أمنة.
- أمنة : (تدخل وترى نادر فتفطى وجهها) يا كسوفى، راجل؟
- برهان : (ضاحكا) لا. هذا أخى نادر. سلمى واكشقى وجهك عليه.
- أمنة : يسعد مساك.
- نادر : أنا مش فاهم، وأهلها سابوها تخرج إزاي؟
- برهان : (ضاحكا) ولن تفهم شيئا أبداً.
- أمنة : أنا مقطوعة م الأهل، وسيدى برهان إشتراى من مولايا.
- نادر : (مذعورا) إشتراى ؟
- أمنة : (بفخر) أى والله بخمسة دينار، مع أن اتخنها جارية بيضا ما بيندفعش فيها أكثر من ثلاثة!
- برهان : سألت عنها وعندما عرفت أنها جارية قلت أجيبها ترعى شئوننا وتؤنسنا.

- نادر : ع العموم دا مش ذنبك. دى طبيعة العصر (الأمنة)
أهلاً بيكى يا أمنة. سعيد أنى شفتك.
- أمنة : ربنا يسعد قلبك يا سيدى.
- برهان : إحم.. إحم.. نحن هنا لانتسى إنى لم أشتريها لك
وحدك!
- نادر : (بتجهم) قصدك إيه ؟
- برهان : لا شىء. ألا تفهم المزاج أبداً؟ بالحق يا نادر
إشتريت اليوم بقلعة سوداء، المواصلات بقت شنيعة.
تقدر تركبها إنت أيضاً، عن إذنك أهلى العشا
(يخرج).
- نادر : سلمى.
- أمنة : خدامتك وجاريتك أمنة.
- نادر : أعذرينى، كنت بحب واحدة تشبهك كأنها أختك
التوأم. واقفه ليه. أقعدى.
- أمنة : العقوف، ما يصح يا سيدى، عيب عليا.
- نادر : بقولك أقعدى. (ويحضر حامل الرسم ليبدأ
رسمها).
- أمنة : حاضرك أمرك.
- نادر : مش قادر أصدق إن سلمى تخييع منى وألاقيها فى
الزمن دا ؟
- أمنة : ياه، الظاهر قلبك لسه لايف عليها.
- نادر : قلبى إنكسر يا أمنة. كانت روحى فيها لكن أهلها
عرضوها للى يدفع فيها أكثر.
- أمنة : متأخذنيش يا سيدى. هما ما غلطوش. آل على رأى
المثل، إللى معاهوش ما يلزموش.
- نادر : دا هندكم إنتم، إنما إحنا. على أيامنا كانت المرأة

إتحررت.

- أمّنة : ما تصدّقش. المرة منّا مدام ما اتحكمتش على
حجة البيع فى أيدها تبقى ما اتعتقش!
نادر : بس دى كانت بنتهم مش جاريتهم. أبوها خلق حبتا،
خرجها م الجامعة وحبسها فى البيت مشان ما
تقابلنيش وأكثر من كده كان بيضربها.
أمّنة : معلوم، مش حريمه ولازما يدافع عن عرضه.
نادر : بس دى كانت راشدة، ومن حقها تختار شريك
حياتها هو إللى إستعبدها.
أمّنة : يمكن بقى دا سلو بلدكم.
نادر : بالعكس. فى بلدنا مكانش فيه عبيد ولا جوارى.
أمّنة : يا دى الحوسة. والناس الأكاير مين يخدمهم ويبقى
فى رجليهم؟
نادر : ماعندناش أكابر ولا أسياد. كل واحد بيخدم نفسه.
أمّنة : يا عينى عليكم. أكن بلدكو كلها خدامين وعبيد
وجوارى؟
نادر : بالعكس. كلهم أسياد.
أمّنة : أسياد على مين بقى. مدام مفيش حد يتأمرؤا
عليه؟
نادر : أسياد نفسهم. كل واحد سيد نفسه.
أمّنة : طب ودا. ما يعتبرش حرام يا سيدى؟
نادر : حرمت عليكى عيشتك. بالعكس. ربنا خلق الناس
أحرار لكن الظلم هو إللى خلى بعض الناس
يستعبد غيره.
أمّنة : كلامك غريب يا سيدى. لو قلت لحد ما يصدقنيش.
نادر : (مقاطعا بصوت خفيض) أوعى تقولى لحد إنى قلت

لك الكلام دا ؟

- آمنة : حاضر، لكن قولى ولا مؤاخذه فى دا السؤال هى البلاد إالى كنتو فيها دى قريه مننا ؟
- نادر : لا، دى بعيدة، بينا وبينها مسافة بييجى ميتين سنة.
- آمنة : يا خراشى، ودى نركب لها جمال ولا أحصنة ؟
- نادر : فيه طريقة تانية تخليكى توصلى لها فى مدة قصيرة.

لو ركبتي على ظهر كتاب زى دا.

- آمنة : على ظهر كتاب؟ (تنظر له بشك وكأنه مجنون).
- نادر : أيوه، القراءة الرشيدة لو علمتك القراءة والكتابة أقدر أخذك معايا وأعرفك عليها.

آمنة : والنسوان إالى زى مالهم ومال العلام ؟

- نادر : دا كلام فارغ وحشوا بيه دماغك ولازم تنسيه.
- آمنة : طب ما تزعش نفسك يا سيدى، أنا خدامتك، وإلى تحكم عليا بيه أعمله !

نادر : أنا مش عايز خدامين، وبطلى كلمة سيدى دى.

آمنة : طيب حاضر يا سيدى (مرتبكة) يوه متأخذنيش.

نادر : م النهاردة عايزك تنسى إناك جارية، فاهمة؟

آمنة : يا ندامتى مش جارية، آمال أنا أبقي إيه؟

نادر : تبقى.. تبقى إنسانة.. صديقة..

آمنة : يا جرسى.. يا فضيحتى.. إبقى رفيقة؟؟

نادر : مش قصدى، أنا عايز أفهمك أن برهان اشتراكى عشان ينقذك من وضعك، يعنى هيعتقك وتبقى حرة نفسك.

آمنة : يا داهية دقى، كان لك دا فين يا آمنة، أعمل معروف بلاش يا سيدى، قسوله ما يعتقنيش

- يا سيدى.
- نادر : ليه يا أمنة. حد يرفض يبقى حر؟
- أمنة : لا يا سيدى، إنما لما أعجز ويدبل شبابى هترمونى،
ساعتها أروح لمن ؟
- نادر : فهمت. (بعد لحظة) سلمى. تقبلى...؟
- برهان : (يدخل وهو يسبح) الحمد لله رب العالمين.
- أمنة : (تنهض وتقبل يده) لا مؤاخذه السماح يا سيدى.
- برهان : إستغفر الله العظيم (ملتفتاً لنادر) ماذا تفعل بحق السماء ؟
- نادر : زى ما إنت شايف برسم.
- برهان : ألا تعرف أن هذا حرام (وهامسا) هتودينا فى
داهية (لعثمان) إنصرف أنت يا عثمان.
- عثمان : حاضر يا سيدى (يخرج).
- برهان : عايز تتنيل ترسم، أدخل حجرتك وأغلق عليك بابك.
وإذا بليتم فاستتروا.
- نادر : نسيت يا أخى وجل من لا يسهو.
- برهان : وإننى قاعده له ياختى؟ فزى قومى.
- أمنة : والنبي هو إللى قالى.
- برهان : وإيه إللى فى إيدك.. القراءة الرشيدة؟ ياللمصيبة.
- أمنة : (تلقى بالكتاب فى زهر).
- نادر : هو خلط لما أعلمها عشان تنفع نفسها وتنفع
غيرها؟
- برهان : أظن إنها هى التى ستمد الحملة الفرنسية؟
- نادر : ولية لاه ؟ كل إنسان لازم يساهم فى المعركة. دا
غير المعركة الأكبر، ضد الجهل والتخلف والرجعية.
- برهان : قلت لك ليست هذه قضيتنا الجوهرية. المهم الآن

- القضية الوطنية التي لا يجب أن يعلو شيئاً فوقها .
لكنك بطيشك وتهورك ستجعلهم ينقلبون علينا .
: أمنة (التي تحركت ونظرت إلى اللوحة) يا الهوى ، قطعت
راسى ليه يا سيدى ؟
قطع دماغى وعلقها ع الورقة .
: نادر إهدى يا أمنة ، دا رسم ، راسك أهه مكانها فوق
رقبتك .
: أمنة امال دى تبقى إيه ؟ يا خرابى يانا .. الحقونى
ياناس .
برهان : عاجبك كده ؟ إخفى الزفت دا (يمزق الرسم) .
: أمنة يا الهوى ، إنت كمان قطعت وشى ؟ (يتشنج
جسدها) .
برهان : يا عثمان .. الحق جهز طاسة الخضة قوام .
: نادر طاسة خضة إية يا دكتور ؟ دى عندها حالة
هستيرية . إنت بتساعدهم على تثبيت خرافاتهم
بدل ما تحاربها بالعلم ؟
برهان : لا يهم أن يكون الدواء حقيقى ، المهم أن يكون
المريض مؤمناً بأن فيه الشفاء .
: نادر ولكنها بهذا لن تشفى من جهلها أبداً ، وهذا هو
المرض الألعن .
برهان : أنا الذى ضقت بك ذرعاً ، أف منك (يخرج) .
: نادر أمنة ، فوقى ، ما تخافيش منى ، دانا كنت لسه
هطلب منك تتجوزينى .
: أمنة (تفتح عينها بدهشة وتعتدل) إيه ؟
: نادر أيوه ، توافقى يا أمنة ؟
: أمنة أنا ملك بعينك إنت وسى برهان يا سيدى .

نادر : من غير سيدى ومن غير ما تكونى ملك لآى حد .
 أقولك . خدى فرصة تعرفينى أكثر عشان لما توافقى
 يبقى بإختيارك وإرادتك .
 آمنه : أمرك يا سيدى .
 نادر : (بغيط) برضه سيدك ؟ برضه سيدك ؟
 آمنه : مش هبقى مرتك ؟؟ يبقى لازماً أقولك يا سيدى !
 /ظلام قصير/

(أصوات زغاريد فى الظلام، ثم نرى برهان ومعه
 التاجر والشيخ والأغا).
 الأغا : مبروك يا سيد برهان . وبالرفاء والبنين .
 برهان : الله يبارك فيك يا جناب الأغا . دا شرف عظيم إنك
 زرتنا .
 التاجر : فرحنا لك والله . وعقبال البكارى إن شاء الله .
 برهان : عقبالك ونجيك فى المسرات .
 الشيخ : الفرحة لا تسعنى، دعنى أبوسك بهذه المناسبة
 السعيدة .
 (التليفون يدق).
 الأغا : لابد دا يكون جناب الأمير .
 برهان : (يرد) ألو، سيادة الأمير ؟ الله يبارك فيكم . والله
 الكل بيدعيلك .
 الثلاثة : الله يخلّى سيدنا الأمير ويحميه ويبلغه من المرات
 ما شاء .
 برهان : هديتكم تصل على حمولة جمل ؟؟ خيركم سابق يا
 أفندم . عقبال أنجالكم . مع السلامة .
 الأغا : إتفضل دى هديتى، ٧ فروق بن وخمسين تفصيله

- هندي عال، خير بخور العود والعنبر.
- برهان : مقبولة من جنابك.
- التاجر : وأنا هديتي ليك منديل به ميه وخمسين دينار.
- برهان : الله يخليك ويزيديك من نعيمه.
- الشيخ : هديتي أنا مفاجأة تفوق الخيال . وأرسلت خادمك لإحضارها.
- التاجر : نسيبك الحين تتمتع بعروسك.
- الشيخ : لكن بعد الشهر ما يفوت مش هنسيبك، كل يوم سهرة حتى نستمتع بك.
- الأغا : السلام عليكم.
- برهان : شرفتم وأنستم (فى هذه اللحظة يدخل نادر مندفعاً).
- نادر : برهان، إيه الزينات والفوانيس المتعلقة ع البيت دى..؟
- الشيخ : أعوذ بالله . طب القى علينا السلام.
- نادر : لا مؤاخذه، السلام عليكم (يهم بمصافحتهم).
- الثلثة : وعليكم (وينصرفون فى الحال).
- برهان : إين كنت يا رجل طول الأسبوع المنصرم ؟
- نادر : كنت فى إسكندرية بدرس موقع نزول الحملة. إنما قولى . إنت صحيح إتجوزت ؟
- برهان : على سنة الله ورسوله، الديك مانع ؟
- نادر : لا سمح الله . لكن إتجوزت مين بالضبط؟
- برهان : لحظة واحدة (ينادى) يا أمنة.
- أمنة : (من الداخل) نعم ياسيدى؟
- برهان : دعى ستك تحضر هنيهه (لنادر) سأعرفك عليها ولو أنها من عائلة محافظة، لم يسبق أن رأت فى

- حياتها من صنف الرجال سوى الخصيان.
- نادر : أنعم وأكرم، وإنّ تجاوزتها برضه من غير ما تشوفها؟
- برهان : يكفى أنها إبنة سنجق المنوفية.
- أمنة : (تظهر على السلم ممسكة بشمعة طويلة) أفضلى يا ستى، خشى يا عروسة ما تنكسفيش.
- (تظهر طفلة صغيرة بثياب عرس تمسك أمنة بذيلها وتزغرد).
- نادر : هى فين ؟
- برهان : أهيه. أقدم لك زوجتى زبيدة.
- نادر : مستحيل. دى عيلة ما كملتش أتناشر سنة.
- برهان : شىء قريب وعجيب والله. إنّ كنت المفتى؟
- نادر : لا لكن فيه حاجة إسمها شهامة، إنسانيه (يتأمل الطفلة) أنا مش مصدق عنيا.
- برهان : لا تبخلق فيها هكذا (الطفلة تبكى) كويس كده. إديك أفزعمتها.
- أمنة : (تربت عليها) بس يا حبيبتي.. بس ..
- برهان : (للفتاة) إنسدى، وغطى وشك.
- (الفتاة ترفع ذيل فستانها وتغطى وجهها فتكشف ساقها).
- نادر : لا حول ولا قوة إلا بالله.
- برهان : (لأمنة) وإنّتى سايباها ؟ خديها فى الحال إلى فراشها..
- أمنة : ياللا يا ستى (تعملها بين يديها وتسرع خارجة).
- نادر : أيوه، الحقيها قبل ما تعملها على روحها.. (البرهان) مبروك يا عريس تتربى فى عزك (يتحرك

إلى حجرتي)

(برهان يهيم بالصعود عندما يدخل عثمان من باب
الشقة)

عثمان : سيدى برهان . مولانا . باعست لك معايا هدية
جوازك.

برهان : حطها فى المطبخ أو أى مكان، أنا مشغول الآن.

عثمان : لكن دا مش شوال ولا هندوق يا سيدى.

برهان : (يتوقف) إيش يكون امال ؟

عثمان : دا غلام من غلمانه.

برهان : (بدهشة واحتجاج) إيه ؟ والله حال ؟

عثمان : إنما الحق ينقال غلام جميل زى البدر فى تمامه..
تعال يا قمر الزمان.

برهان : هذا كلام فارغ .. هذا ..

(لكنه يسكت عندما يدخل الغلام الذى يتحرك
لبرهان ويركع مقبلاً يده).

الغلام : سيدى ومولاي برهان.

برهان : إستغفر الله العظيم .. إستغفر الله العظيم . إذهب
لحالك يا عثمان.

/غلام قصير

(آمنة جاسة ممسكة بكتاب، نادر واقف يرسم لها

صورة على حامل رسم).

نادر : تعبتى م القعدة يا آمنة ؟

آمنة : تعبك راحة يا سيدى.

نادر : طب كملى قراية.

آمنة : حسه .

- نادر : كويس .
- أمّنة : ره .. يه .. هه ..
- نادر : هایل .. بتتقدمى يا أمّنة .. حه وره وهه وبه تبقي إيه ؟
- أمّنة : حورية .
- نادر : حورية إيه ؟ حرية . قلتها لك قبل كده ميت مرة . حرية .
- أمّنة : يوه ، بالراحة عليا ، شوية .. شوية .
- نادر : طيب إالى بعديهيا .
- أمّنة : هين دال . لام . سهلة خالص . عدل .
- نادر : لا . عدل يا أمّنة . ما تعرفيش العدل ؟
- أمّنة : ودا يبقى عدل لما تشخط فيا ؟
- نادر : بطلى دلح ، أنا هايزك تتعلمى بسرعة وأفرح بيكى ، نفسى أخذك فى إيدى وأخرج بيكى ، أفسحك و..
- أمّنة : أخرج يا نتاشة ؟ هايزنى أبقي زى نسوان الفلاحين إالى بيسرحوا فى السوق بمشنة ؟
- نادر : يعنى إنت مبسوفة بحبستك بين الحيطان ؟
- أمّنة : كفاية إنى قاعدة متستة وكل حاجة بتيجى لحد عندى . الخضار والخزين وحتى القماش والحريير ينوينى إيه م الخروج غير غفار السكة ويحلقة الرجالة فيا ؟
- نادر : تشوفى الدنيا .
- أمّنة : ما نا شايفها من ورا المشربية . الريح والجاي . حتى الحاوى والقرداتى والمغنواتية بيقفوا تحت التراسينا وأتفرج عليهم .
- نادر : مش دى الدنيا يا أمّنة . الدنيا حاجة كبيرة .

- أمّنة : على رأى المثل من خرج من داره، إتقل مقداره.
- نادر : إنتو قاعدين تربوا شحم ويس.
- أمّنة : وحد لاقى الشحم ؟
- نادر : دا مرض يا أمّنة.
- أمّنة : أهيه، طب ما إنتو يا رجاله إल्ली بتحبووا السمينة.
- نادر : إفهمى - الدنيا مش قايمة ع السكون، الدنيا قايمة ع الحركة.
- الإنسان إتخلق مشان يمشى ويلف. يطلع الجبال ويركب البحار ويعمر الأرض ويكشفها ويسيطر عليها.
- أمّنة : مش ناقص غير تشور عليا أقعد ع القهوة وأدخن الشيشه ويا الرجالة.
- نادر : يا أمّنة مافيش فرق بينك وبين الرجالة.
- أمّنة : ربنا يسامحك يا سيدى.
- نادر : مش قصدى. قصدى إنت لك حق زى الراجل.
- أمّنة : حقا بطلوا دا وإسمعوا دا. طب دا أنا حتى سمعت واحد شيخ كان بيقول أن إحنا يانسوان مالناش أرواح.
- نادر : دا جهل.
- أمّنة : إنت كلامك غريب قوى، لو كل الناس عملت زيك كانت خريت.
- نادر : بالعكس، هى مش ناقصة خراب دلوقت.. إحنا رجعنا لورا.. على أيامنا..
- أمّنة : كل حاجة على أيامنا.. هى أيامكم دى ياسى برهان كانت أمّتى ؟
- نادر : أيامنا لسه جاية فى السكة.. أصلها حاجة صعبه

أفهمها لك.

أمّنة : مانا يمكن ربنا ينفخ فى صورتي وأفهم.
نادر : بعدين. مين عارف. يمكن (يسمع صوت نهيق حمار)
دا الظاهر برهان.
دا صوت عربيتة. قصدى بفلته.

برهان : (يدخل) السلام عليكم.
أمّنة : وعليكم السلام يا سيدى.
برهان : دستورك.. الجماعة معايا.
أمّنة : أهلاً وسهلاً، مافيش حد غريب بالدرا.
برهان : (يشير لتدخل ثلاث نساء لا نرى وجوههن) خشوا.
نادر : دول أهل مراتك ؟

برهان : لا دول. بقية زوجاتى الأربع.
أمّنة : (تزغرد).
نادر : مستحيل، إنت أكيد بتهزر.

برهان : وهل هناك هزل فى أمور العرض والشرف ؟
نادر : أنا عرفت ليه كل يوم والثانى بتحصل حوادث
خطف وأغتصاب .

لما الغنى يتجوز أربعة ويشترى جوارى بالعشرات
لازم تكون النتيجة مجاعة جنسية (يخرج وتتبعه
أمّنة).

برهان : (للنساء) لا تسمعن هذا الهراء. تلك أحاديث
الفرجة والكفار، أنتن جميعاً حلالى بلالى وما عليا
شى.

إظلام قصير

(نادر جالس مع أصحابه فى ناحية، وبرهان

- وأصحابية فى ناحية أخرى).
- نادر : هيه يا جماعة، إيه رأيكم فى الكتب إالى وزعتها عليكم ؟
- حسن : إسمع، إحنا غير راضيين عن أحوالنا.
- نادر : عظيم.
- حسن : لكن الحلول إالى قريناها جريئة زيادة عن اللزوم.
- نادر : كل جديد يبقى مستغرب فى أوله لحد ما نتعوده.
- طه : لكن أنا مختلف مع الأفكار إالى فى الكتب دى.
- نادر : وأنا أرحب بالنقاش، أتفضل قول رأيك.
- برهان : راضى أنه أن الآوان للنهوض وإصلاح الأحوال.
- التاجر : والله كلامك عال العمال..
- الشيخ : أى نعم، يجب تبصير الناس بالحرام والحلال.
- برهان : ولذلك، بعد عمل الإستخارة وسؤال النجوم وأخذ القول، إنتويت بإذن الواحد المتعال، تكوين شركة برهان لتوظيف الأموال.
- طه : خذ عندك كمان، كتاب إالى إسمه قاسم أمين.. يا ستار.. قولى بالله عليك كيف يتساوى الحرير بالرجال ؟
- أمنة : (تظهر بصنيه عند المدخل) القرفه يا نادر.
- نادر : هاتيه يا أمنة.. تعالى، دول أصحاب..
- أمنة : (تدخل مرتبكة قليلا) يسعد مساكم.
- الثلاثة : (يرتيكون وينظرون فى الأرض).
- نادر : أقعدى، إحضرى المناقشة معنا.. كمل كلامك يا طه..
- طه : (يتلعثم) أنا.. أنا كنت بقول إيه ؟
- الأفا : كثير من الخلايق محوشين فلوسهم تحت البلاطة..

- ومهما صادرناهم أو ضربناهم ما بنعرف مطرح مخبراتهم.
- برهان : المطلوب منك يا جناب الأغا تطنش عليهم فى حالة ما يحطو فلو سهم عندنا .
- التاجر : وإزاي يحطو فلو سهم معانا بالتراضى ؟
- الشيخ : يا سلام ؟ الله سبحانه وتعالى حرم إكتناز المال .
- برهان : بالضبط.. هذا دورك يا مولانا.. الدعاية والإعلان والفتوى.. شجمعهم على إيداع أموالهم لدينا ودع الباقي علينا .
- الشيخ : الشرط يكون لى فى الشركة عشره الميه .
- أمنة : حضرتك تنكر إن الإسلام كرم المرأة وأعطاه حقوقها ؟
- طه : لا ما أنكرش..
- أمنة : وإن الستات هما أمهاتكم وأخواتكم وبناتكم وزوجاتكم..
- طه : أى نعم..
- أمنة : وإن المرأة ممكن لو إتعلمت وإشتغلت تكون زيكم.. وأحسن منكم ؟
- طه : هذا صحيح، لكن الكلام شىء والواقع العملى شىء تانى..
- أمنة : وآية قيمة الكلام إن ما كنش يبقى فعل ؟ ولا هونفاق ويس ؟ إتقوا الله..
- طه : (ينظر لها مبهوتاً بينما يضحك الجميع).
- نادر : يعنى سكت يا عم طه ؟
- شعبان : ما ترد يا أخى .
- طه : أنا.. أنا ما أتعودتش أتناقش مع حريم..

- حسن : صلى ع النبي، تلاقيك إنت إالى بتسمع كلام حريمك فى البيت..
- التاجر : لكن انهى تجارة ممكن تعطى الناس الأرباح الوفيرة إالى بتتكلم عنها؟
- الأغا : دا مايبهم الآن.. المهم نتلايم ع الفلوس الأول وبعدين نبقى نفكر وإن إتزنقنا نبقى نلبس طاقية دا لده.
- الشيخ : وطالما نيتكم كده.. يبقى الثروة هتزيد لأن البركة هتطرح فيها.
- برهان : عموماً أرى إستبدال هذه الأموال بعمله فرانس، فالطالع يقول إن قيمتها هتتطرح فى العالى.
- الشيخ : يبقى على بركة الله..
- شعبان : يا إخوانا، لازم نقر إننا منكفئين على نفسنا والعالم بيتغير من حوالينا.
- حسن : يعنى بك ناخذ بالبدع بقاعة الفرنجه والغرب ؟
- نادر : ما فيش حاجة إسمها حضارة الغرب، فيه حضارة إنسانية ساهم فيها الكل، الفرس والروم والعرب وأهل الهند والصين، حضارة ممتدة من أيام ما ابتداها قدماء المصريين.
- حسن : والله معك الحق.. لكن ديننا وعاداتنا وأخلاقنا..
- أمنة : (مقاطعه) وإيه دخل دا كله فى العلم، المسألة ببساطة مطلوب نفرق دايماً بين كلام العلم وكلام الخرافة.. نتحقق من أى شئ نسمعه أو نشوفه ونجمع عنه بيانات صحيحة ونختبره بالتجربة العلمية مشان نعرف صحته من خطئه.
- نادر : (لطه الذى سرح يتأمل أمنه) واخد بالك يا هم

طه .. عم طه ؟
إنت رحت فين ؟

(/ظلام قصير)

(نسمع صوت برهان وهو يتنحنح ويصق، فى
الحال تظهر النسوة الأربعة ويقفن بإستعداد،
يدخل برهان).

النسوة : يسعد مساك يا سيدى.
برهان : إخرسى يا ولية منك لها.
(واحدة تخلع عنه العباءة، أخرى تركع لتخلع
الحذاء إلخ).

برهان : الأكل يا فجر. (وتصيبه زغطة) أنا جوعان.
امرأة : جاهز ومتحضر من زمان.
(العبد يدخل بالصينية أمامه).

برهان : فتة أرز ولحم ضانى، بالثوم وكوارع وبذنجان فقط
إين القرع يا ولاد الكلاب ؟ وأين الجارية ؟
العبد : يظهر عليها عاصية.

برهان : وإيش وظيفتك يا عيد أدبها وهاتها.
العبد : أمرك يا سيدى (يشمر أكمامه ويتحرك بتحفظ ومعه
عصا).

برهان : بسم الله الرحمن الرحيم (يهجم على الأكل بيديه
بنهم).

النسوة : إن شالله الطيبخ يعجب سيدى.
برهان : (يتلمظ بصوت مسموع ويردد بمغممات).
النسوة : مطرح ما يسرى يبرى، بالهنا والشفاء.
برهان : الحقونى بالماء. زوران (يشرب ويتجشأ بصوت

- هالى).
- النسوة : حصة وهافية (واحدة تصب له ليفسل يديه والآخرى تقدم له القوطة، أثناء ذلك نسمع صراخ أمنة بالداخل).
- برهان : هندكوا بقية الاكل إتعضوا بيه.
- النسوة : ما يصح ناكل فى حضرتك يا سيد الكل.
- العبد : (يظهر دافعا أمنة) خشى يا جارية.
- أمنة : (واقفة بإنكسار) أمرك يا سيدى.
- برهان : عفارم عليك يا مرجان. (لأمنة) هايز أفرش، خنيلى.
- (للنسوة) وإنتوا إنحطو جنبى.. مين فيكم الدور عليها؟
- النسوة : أنا.. أنا يا سيدى.
- برهان : إخرسوا فى آخر الليل نتفق (يتمايل مع اللحن الذى تقنيه أمنة على العود مداعبا النسوة ثم يشير لأمنة (بالتوقف) تصبحن على خير.
- النسوة : (يقمن بأصوات تعنى الإمتراض).
- برهان : داهيه تخلصنى منكم فى يوم واحد.
- النسوة : (وهن يتسارعن بالخروج) وإنت من أهله يا سيدى..
- برهان : تعالى، كبسينى، وإدعكلى رجليا بالمرة.
- أمنة : حاضر.. خدمة ثانية؟
- برهان : وأحكلى حدوته يمكن أنا..
- أمنة : كان ياما كان.. فى سالف العصر والآوان.. ملك عظيم الشأن، إسمه الملك برهان وفى يوم من ذات الأيام.

- برهان : كفاية.. أنا زهقان (ينظر لها بشهوة) أمانة..
 أمانة : (بتوجس) نعم..
 برهان : (متحسسا لحيته) أنا مش جايلى نوم..
 أمانة : (تحفض رأسها للأرض) أمرك يا سيدى، هايزنى
 فين؟
 برهان : إسبقتنى على جوه..
 (نادر يظهر من باب الشقة بعد خروجهما).
 نادر : أمانة .
 أمانة : (تظهر) أيوه يا سيدى.
 نادر : رجعتى لكلمة سيدى ؟ أنا حبيبك يا سلمى..
 أمانة : أنا مش سلمى، أنا أمانة يا سيدى..
 نادر : إيه إالى غيرك، ليه بتقولى كده.. أنا مش هسيبك
 يا أمانة..
 أمانة : قول إن شالله.
 نادر : لما تقولى إنك هايزانى.
 أمانة : أنا جاريه وما أقدر أعوز حاجة.. أنا مش ملك
 نفسى.
 نادر : لكن إنتى بتحبينى وأنا بحبك..
 أمانة : أنا مش بتاعتك.. حرام يا سيدى.
 نادر : حصل إيه يا أمانة.. برهان زعلك؟ أهانك؟
 فصبك على حاجة؟
 أمانة : ماخذ حاجة منى أكثر من حقه.
 نادر : يعنى إيه؟ وضحى.. إتكلمى..
 أمانة : ما يمحش اطلع إسراى سيدى معاك..
 نادر : ما تتكلميش.. أنا هبص فى عنيكى، أفهم..
 أمانة : (تغطى وجهها) ما يمحش يا سيدى.. ما

يصحش..

- نادر : عيب تقولى كده (يمسكها).
أمّنة : عيب إالى إنت بتعمله دا .. لو بتحبينى إشترينى..
نادر : عشان إتباعتى مرة، لازم تبيعى نفسك تانى.
أمّنة : أنا إتبعك بدل المرة خمسة..
نادر : عرفتى خمس رجاله وإنتى لسه فى أول شبابك؟ أنا
بتكلم مع مومس.
أمّنة : الله يسامحك يا سيدى..
نادر : أنا أسف، بس إنتى إالى محمره أحاملك كجارية..
أمّنة : أنا جارية مهما عملت .. إنسانى يا سيدى..
العبد : (يظهر فجأة) إبعد عنها وإلا قتلتك.
نادر : تقتلنى دا إيه ؟
العبد : سيدى مكلفنى إالى يقرب م الحرمك بتاعه أقتله
(يشهر سيفاً).
أمّنة : (تنقلت منه جاريه) إنسانى يا سيدى.
نادر : سلمى..
برهان : (يظهر ويشير للعبد) إنتظر، لا تقتله .. (البرهان)
نادر، لقد جاوزت حدودك وهذا المسكن لم يعد
يسعنا معاً.
نادر : أنا إالى مش عايز إستنى فيه لحظة واحدة.
(إظلام)
حى. برهان : إفهم يا نادر أنا مش بطردك. أرجوك تقعد على
حيلك.
حى. نادر : قعدت، لكن مش هتكلم معاك.
(نبدأ سماع نادر يغنى مع صوت راديو أغنية قوم
يا مصرى).

ص. برهان : اتكلم. مش بمنك بس دى مش طريقة مناقشة، ما
فيش دأى للعصبية والزعيق دأى ان فيه جيران
حوالينا.. ولو سمحت تقفل الراديو ده.. بقولك لو
سمحت ، طب وطى الصوت شويه.
(صوت نادر وصوت الأغنية يخفت تدريجيا).

المشهد (٧)

- المنظر : قصر مراد ، قاعة الإستقبال
(نلاحظ وجود أبا جورة ، تليفون ، ثلاجة .. إلخ ، مراد
جالس على كرسي قوتيل يمسك بسيجار ضخم) .
الجميع : حمد لله على سلامتك يا فندم .
مراد : الله يسلمكم ..
نادر : مندى كلمة عاجلة يا بك .
السنارى : بك؟ جنابه حمار الباشا والى مصر .
مراد : أى نعم والباشرة إल्ली بشرتونى بيها إتفسرت وبقيت
الباشا سيد الكل .
نادر : يا باشا ، أنا قادم الآن من الأزهر الشريف حيث
المظاهرات قائمة على قدم وساق .
مراد : إيكش تكون قرئت لى الفاتحة هناك .
الشيخ : كل الخلق يتدعيلك صباح مساء .
نادر : دعنى أحدثك عما حصل .. المشايخ قفلت الجوامع
وابطلت الدروس ...
السنارى : الباشا توه راجع م السفر لا توجع دماغه بهذا
السوء .
نادر : السوء سيحدث إذا تجاهلنا الحقيقة (تسمع هتافات
بالخارج غير واضحة) .
أهو .. إسمع يا باشا .. الثورة قامت .
مراد : (ينهض) وفين جاويشيه البلاد؟ فين الأغا والى الشرطة
يا فاجر ؟
السنارى : (مرتبكا) هل أسرج لك الخيل لتهرب سموك إلى
الصعيد ؟

- القلق : (يظهر) السيد برهان بن عبد الفنى طالب الاذن بالدخول.
- مراد : خششه قوامك يمكن عنده معلومية باللى حاصل.
- نادر : لقد حذرت أكثر من مرة، البلاد لا تحتل أى هزة فى هذه الأوقات الحرجة.
- برهان : (يدخل) يا باشا، الخلق كلها جاية تهلل وتؤيد وتيايح.
- نادر : تؤيد إيه؟ وبمناسبة إيه؟
- برهان : اليوم عيد ميلاد سموه. إسمع الطبول والزمور والنقاير والبشائر.
- مراد : إى والله ما عليهم شى .
- برهان : القى عليهم ولو نظرة..
- مراد : ما فى مانع (ينظر من الشرفة التى يفتحونها وتتضح الأصوات الآن).
- أصوات : الشعب يحبك يا مراد. يا مراد يا حبيب المساكين يا مراد..
- نادر : (بدهشة) غريبة اللحن دا مش غريب على ودنى.. سمعت فين؟
- برهان : شور لهم وقولهم كلمة يا فندم (ويقدم له ميكرفون).
- مراد : (يشير فتسكت الأصوات) إيش أقول. أقول الو ؟؟
- برهان : قل لهم مثلاً، عشان خاطرکم ولأجل إنبساطکم بعمل كذا وأسوى كيت .
- مراد : أيها الرعا، عشان خاطرکم ولأجل إنبساطکم بعمل كذا وأسوى كيت.
- أصوات : بالروح .. بالدم .. نفديك يا مراد ..
- مراد : شفت الحوش والرعا بيحبونى إزاي يا سنارى ؟

- السنارى : اى والله.. اى والله.
- أصوات : «هاى برث داي تويو» سنة حلوة يا جميل..
- مراد : سنكر الشبايبك وخليهم يغوروا. وجعوا دماغنا بزيادة..
- نادر : مستحيل. دول أكيد مأجورين. يبقى إالى سمعت صحيح. الإشاعات تقول أن هناك من يكترى النفر منهم بخمسة وعشرين نصف فضة.
- السنارى : والله ما حد عملها غيرك يا برهان أفندى.
- مراد : أعطيه على كل نفر خمسين فضة يا سنارى.
- برهان : المقو يا أفندم، هذا واجب وطنى (ويشير للسنارى ليعطيه).
- الشيخ : إحكى لنا يا باشا. عملت إيه فى سفرتك؟
- مراد : والله لما نبهتوني أن الفرنساوية جاية. قلت أجهز تفريضة تلف الأقاليم البحرى والقبالى.
- نادر : برافو. أقصد عفارم. لا بد من تنبيه الناس بالأخطار المحدقة بنا ونعرفهم بواجبهم والمطلوب منهم.
- مراد : ودا إالى سويته. سرحت فى بحرى وركبت فى مماليكى ومعايا الغلايين المتعمرة بالقنابر تبعكم. وكبست ع البلاد أجمع الفردة والميرى.
- نادر : إييه؟
- برهان : المعركة تحتاج إالى مال، وإقتصاد البلد لا بد أن يوجه للمعركة.
- مراد : ملت على دمياط وخربت عليها الضرائب العظيمة، الفلح ما رضيووا يدفعوا. عملوا مايط كبير وحريمهم فضلوا يعددوا ويقولوا قشلائين.
- برهان : هذا يعتبر تهرب ضريبى.

- مراد : ما تخاف، البلد إلى إتمنتت حرقها بالنار. الآن
بس أناكدت من مفعول القناير واليمب وأتحقق لى
بصحيح أنى أكسر المسكر الفرنساوى.
- الشيخ : الله أكبر والنصر لنا .
- مراد : ولسه يا أفنديات لما تعرفوا الجايات .
- برهان : فرحنا يا باشا وأخيرنا بالخطوة القادمة .
- السنارى : إنتوا إلى بتسألونا الآن ؟ ها ها . النجوم ما عادت
بتقولكم شىء ؟.
- والله كنت عارف أن بضاعتكم قليلة . لكن تغلب عليكم
اللسانة .
- برهان : ما نعرفه أن الباشا بإذن الله بالغ مراده . والنصر
يمشى فى ركابه .
- مراد : أعلموا يا أفنديات . أنى جهزت تجريدة عظيمة طالعة
تفتح بلاد الشام واليمن السعيدة .
- نادر : لا إنتظر يا باشا ، لا تقدم على هذا الأمر .
- السنارى : القرار برز للتنفيذ ، والتسهيل حصل وإنقضى الأمر .
- مراد : عجيبه، إنتوا إلى بشرتونى بفتح بلاد العرب
وتوحيدها . دلوقتى بترجعو فى كلمتكم ؟
- نادر : (لبرهان) إنت السبب . تحول الهزل إلى خطر .
- برهان : لا تنسى أن الشام واليمن . هما العمق الإستراتيجى
لبلادنا . وهذه الخطوة ستزيدنا قوة فوق قوة .
- مراد : وإحنا أعددنا لهم العدة . وما عاد شىء ينقصنا .
- نادر : لكن الحرب لا تكسب بالسيف أو البارود فحسب، إنما
الحرب حرب عقول وإرادة .
- مراد : أى والله زى لعبة الدامة، وأنا العبها بشطارة .

- برهان : وتغلبني فيها تمللي يا باشا .
- نادر : الحرب ليست لعبة وليست بمنعة. الحرب مصير أمة.
لذا لا بد وأن نسرع بتسليح كل العامة.
- السناري : والناس ما لهم ومال الحرب ؟ دى شغلة العسكر
والقرسان ؟ الفلاحين ما أنخلقوا للضرب والطعان
والحرافيش والعامة يكفيهم النباييت والحجارة..
- مراد : أى نعم، إذا رخصنا لهم بشيل السلاح ما نعرف
نكلمهم أو نحصل منهم المكوسات والفرد والبرانى.
ولا يكون لنا عيش فى البلد دى تانى.
- نادر : فلنسلحهم بالعلم ولنبادر نحن ونرسل للفرنسيين بعثة
كبيرة تأخذ علومهم الحديثة. وتعود لتزودنا بها.
- الشيخ : وإيش حاجتنا لعلوم الكفرة والملحدين.
- نادر : العلم ليس له ملة أو دين والواجب أن نطلبه ولو فى
المصين.
- مراد : وإيش ما نرسل أحنا علماءنا يهدوهم لنور الحق
ويجعلوهم مسلمين.
- الشيخ : ونحن جاهزون.
- برهان : من الصعب أن يهدوهم، وربما أهانوا مشايخنا أو
قتلوهم.
- مراد : يبقى بالقليل إرتحنا من بلاويهم. لا مؤاخذه يا
شيخنا، مش إنت المقصود. قصدى بعضهم إالى
بيجيب لنا وجع الراس ويبفتوا فتاوى تهيج علينا
الناس.
- نادر : يا باشا. لا نصر بلا علم ولا منهج، فلنلقظ منهج
الحفظ والتلقين. ولنعلم الأطفال أن يفكروا دون قيد
وأن يسألوا دون خوف، وأن يثوروا على القديم

والمعروف. أصدر الآن هذا الفرمان، نادى بالنفير
الآمان الآمان لمن يطلب البحث والتفكير. يل أصدر
أمرأً وقراراً فى الحال، على كل مواطن ومواطنة
بدءاً من سن السابعة أن يواظب على فريضة التفكير
مع كل صلاة.

- مراد : لا.. لا.. إين عبد القنى له كلام مفهوم ويناسب أكثر.
إيش سميت مشروعك يا برهان ؟
برهان : مشروع الإصلاح لبلوغ الفلاح .
مراد : عنوان جميل، قول أفندى.
برهان : أولاً، منع الفواحش وشرب الخمر والمنكرات .
الشيخ : الله .. جميل والله .
برهان : ثانياً ، أبطال المزدول من العادات، أصل كل البلاء
والويلات .
الشيخ : الله يفتح عليك ، بقيت من العلماء صحيح .
برهان : ثالثاً ، تذكير الناس بعذاب الميت فى القبر. وإقامة
الأذكار ليل نهار لمنع الفتن والشور والعكوسات .
مراد : عفارم ، قول الأهم .
برهان : وأخيراً ، زيادة حصيلة الميرى من الفرد والمكوسات
والبرانى . وذلك بخصمها من المنبع طوالى .
نادر : الآن تحققت من أن النكبة قادمة على يدك .
صوت : يسقط الظلم، عاش الحق .
مراد : إيش الزعجة دى ؟
السنارى : ناس حوش ولماة والظاهر ليهم شكاية .
مراد : طفشوهم ، مش ناقصهم الساعة .
نادر : لا . دول صوت الشعب، ويجب أن تسمعه .
الشيخ : فيهم بعض أبناءنا من طلبة الأزهر .

- برهان : يستحسن أن تقابلهم وتسترضيهم .
- مراد : طيب هاتوهم (للشيخ) إدى إالى بناخده من بعضكم
يا مشايخ .
- (يدخل أصحاب نادر الثلاثة وربما بعض الناس) .
- نادر : إنتم بس ، آمال فین بقية الجماهير ؟
- حسن : الشرطة فرقتنا ورموا علينا قنابر مسيلة للدموع .
- مراد : خير إن شاء الله .
- طه : مش خير يا باشا ، ريس القليونجية تبعك سلط
أجناده يتشاكل مع بعض الخلق فى مصر القديمة ،
ودبحوا أنفار كتيرة بغير حق ودا ما يرضى ربنا .
- برهان : وإيش عرفك أنه حصل بدون حق .
- طه : أجناده هما إالى ظلموا وبغوا ، نزلوا السوق وأخذوا
بضاعة وما رضيو يدفعوا للناس الغلابة ولا ياره .
- مراد : يا سنارى ، إبعث هات لنا كبير القليونجية نساله .
- السنارى : حاضر (يخرج) .
- الشيخ : لا تنسوا أن هؤلاء العسكر هم الذين يحمون ديار
المسلمين من إعتداء الكفار والملحدين .
- طه : يقوموا يبيحوا لأنفسهم يعملوا أشنع منهم ؟
- شعبان : والجمهور مش ملزوم بدفع مصروفاتهم .
- مراد : كانوا طالبين زيادة ، منين أكفيهم ؟
- حسن : من القرد والضرائب إالى بتأخدها مننا بالزيادة .
- مراد : قمره ، إيه مطلوبكم وأحنا ناخذ بخاطركم ؟
- طه : القصاص من القتلة وتعويض الناس إالى إنضرت
بسببهم .
- شعبان : دا غير مطالب عمومية بالحرية والاخاء
والتسوية . قيدناها فى العريضة دى .

- مراد : مريظة ؟ ومنطبعه بالحروف إلى طبعتها يا برهان ؟
 ادى نتيجة دعاوى محور الأمية .
- برهان : ليس أنا يا باشا . والله ما أعرف عنها حاجة .
- نادر : أنا المسئول عن هذا .
- الثلثة : لست وحدك . كلنا معاك .
- السنارى : (يدخل) كبير الفليونجية ممتنع عن الحضور وأرسل موحساً عنه نفر من الضامات .
- مراد : إيه معناته ؟ أنا أقابل نفر من الألاضيش ؟ دا كلام ما يمشيش . أطرده ما يخشليش .
- التابع : (الذى دخل فعلاً) خشيت يا باشا .
- المراد : (الحرس يرفعون السيوف على التابع) .
- برهان : إحذر أن تقع فتنة بين العسكر وبعضها يا باشا .
- مراد : طب ، سيبوه لما اسمع كلامه .
- التابع : أنا حاضرعشان أنبهك وأوجه نظرك ...
- مراد : (مقاطعاً) إيه ؟ إنت توجه نظرى ؟ دا سوء أدب منك ولا أسمع لك .
- نادر : ما هوبقى مركز قوة .
- السنارى : يا باشا قصده يوجه نظرك للى حاصل بره أمام قصرك . أنتظر بنفسك . جميع الفلايين إلى فى بحر النيل محاوطة القصر والمدافع منموبة ناحيتنا .
- مراد : (مرتبكاً) أيش إسمه ده ؟
- برهان : إسمه محاولة إنقلاب يا فندم ، وخلى بال سعادتك القناير دى شديدة لو ضربونا بيها القصر حيثهد علينا .
- مراد : ومالك بترتجف ؟ إثبت ما تخاف .
- برهان : أنا مستعد أموت بآى طريقة إلا أنى أموت بالقنايل

- إلى صنعتها بأيديا .
- نادر : لا تتراجع يا باشا ، والشعب قادر أن يحميك .
- مراد : وقت الشدايد يبان الرجال (للتابع) روح قول للرئيس بتاعك ، الباشا قرر يأجل فحص القضية لوقت تانى (ويغمز بعينه) .
- التابع : (يؤدى التحية ويخرج) .
- طه : لكن يا باشا ، الأمر مستعجل وخواطر الناس مهتاجة .
- مراد : أى نعم ، لكن أنا تعبان دلوقتى وعندى مقص فى بطنى .
- نادر : أعطنا كلمة ووعداً . (لفظ من الآخرين) .
- مراد : فوتوا بكرة وإبقوا قابلونى . إنتهت المقابلة .
- السنارى : (يشرح سيفه وخلفه الحرس) إنتهت المقابلة (يخرج الجميع) .
- مراد : كله من تحت راس نادر أفندى . هو إالى هيج علينا الناس بالعريظ يا سنارى . ارسم بحبسه طوالى .
- السنارى : من غير ما تقولى . تقارير البصامين عنه خطيره ، لكن ريس الفليونجية هتسيبه يتحدى أوامرك ؟
- مراد : قلبى متحسر منه . ماكنتش أتعشم يعمل فينا الذنبة دى . بعد ما كان بكل مناسبة ومن غيرها . يقولى أفديك بركبتي .
- السنارى : رخص لى بالإذن ، وأنا أجيب لك خبر قطيعته (يشرح سيفه) .
- مراد : لا . إحنا نلاينه لحين ما ييجى وقته . وبعدها نلم القنابر إالى فى المراكب كلها ونحطها فى غليون واحد . وأعين عليه ريس غيره أضمن أنه لا يعصانى .

السنارى : بالصراحة. أنا أصبحت متوقفوش من طايقة
القليونية كلها.

مراد : ما يهمش يكون م القليونية أو عنده خبره بالميه.
كفاية عليا يكون أهل ثقة ومخلص ليا.

السنارى : يبقى ما فى حد فى بر مصر كلها إلا أنا.

مراد : وإنت لها يا سنارى . أقدر يكون إعتمادى عليك بعد
الله ؟

السنارى : برقيتى يا فندم .

(إظلام)

ص. برهان : طبعاً فيه حل للمشكلة إالى إحنا فيها ، لكن مين
إلى فيه دماغ يفكر ؟

يا عزيزى إحنا ما نقدرش نفكر لأن التفكير عمره ما
كان حق من حقوقنا ، وبالتالي ما أتعودناش إننا
نمارسه.

كان فيه دايماً إالى بيوهمونا أنهم هيفكروا بدالنا.
والواقع أننا ما شقناش أبداً حد وهو بيفكر عشان
نتعلم منه التفكير السليم يبقى إزاي.

صحيح فيه ناس بينا حاولوا يفكروا فعلاً، لكن دول
راحوا ورا الشمس وأنا شخصياً ماعدتش فاكرو
أساميهم.

يعنى سكت... أتكلم. إنت بتفكر فى إيه ؟

ص. نادر : «أيتها العرافة المقدسة»

ماذا تفيد الكلمات البائسة ؟

قلت لهم ما قلت من قوافل الفبار .
فأتهموا عينيكم يا زرقاء بالبوار . (x)

(x) من قصيدة «زرقاء اليمامة» لأمل دنقل .

المشهد (٨)

- المنظر : داخل سجن القلعة.
- (الأغا يحقق مع نادر، بينما نرى مجموعة أصحابه مقيدون بالمبال).
- الأغا : إخرس، مين المقصود بالكلام الركيك ده ؟
- نادر : أنا أجهل معناه .
- الأغا : ولىش رحيت الكلام تحت بعضه بطول الورقة ؟
- نادر : ما هى دى قصيدة .
- الأغا : والشعر ينكتب بالطول ولا بالعرض ؟ بتزور حتى الأشعار ؟؟
- نادر : وهى دى تهمة كمان ؟ دى قصيدة من الشعر الحديث.
- الأغا : إخرس، إيش معنى النمر دى كلها إالى دونتها فى قراطيسك؟
- نادر : دى إحصائيات، بيان بعدد الدكاكين والبيوت والطوائف والكتاتيب وما أشبه.
- الأغا : وإيش قرخك من دى العمله ؟
- نادر : فرضى المعرفة، جمع البيانات هو الخطوة الأولى لبحث أى مشكلة.
- الأغا : ما تعرف أن دا يقل البركة ؟
- نادر : لا . دا يعطينا فكرة صحيحة عن الواقع والإمكانيات المتاحة .
- الأغا : ولما الأعمادى يعرفوا أسرارنا ويستفيدوا بيها ؟
- نادر : للأسف، الأجانب يعرفوا عنا أكثر من إالى نعرفه عن أنفسنا .
- الأغا : ولأى سبب متشبه بالافرنج فى زيهم ؟

- نادر : لأنى بشوفه مناسب ليا ، ثم إحنا بنستخدم عملتهم
وسلاحهم وينتاجر معاهم وينستورد البضائع منهم ،
إشمعنى يعنى هدومهم ؟
- الأغا : (يضر به) إنت بترد علينا وتكبس حضرتنا ؟ ولأى
سبب محتفظ فى مخبؤاتك - بالمساخيط دول ؟ رد يا
خنزير .
- نادر : دى آثار أجدادنا .
- الأغا : لا يهتم بيهم إلا الأجانب الأفرنج ، كنت ناوى تبيعها
لهم ؟
- نادر : بالعكس أنا لا أفرط فى حضارة بلدى ولا أبيعها
بكنوز الدنيا .
- الأغا : وقعت بلسانك ، يعنى سبت الدين الحنيف وعبدت
الأصنام وسجدت للفراعين ؟
- نادر : أنا لا أعبد الأصنام والفراعين ماتوا من زمان .
- الأغا : البصاميين سمعوك يتقول أن الفراعين لسه موجودين
وأحياء .
- نادر : أنا عايز محامى يدافع عنى .
- الأغسا : وأيش معنى كلمة كهرياء ؟
- نادر : تيار ينتج طاقة تساعدنا فى تشغيل الأجهزة .
- الأغسا : وإيش يكون هيئته ولونه ؟
- نادر : دا لا شكل له ولا لون ولا رائحة .
- الأغا : ماله حجم ، ماله لون ماله ريحه يبقى ماله وجود .
- نادر : بل موجود على شكل طاقة ولكننا لا نراها .
- الأغا : يعنى بتقر إنك سحار ويتحضر الجان وتسخرهم
لخدمتك .
- نادر : لا . دى طاقة كامنة فى الطبيعة .

- الأغا : إحضرها قدامنا وورينا .
- نادر : دى مش شغلتي . إسألوا برهان . هو إالى حضرها
فى صورة بطارية . وشغل بيها المخترعات .
- الأغا : وإيش معنى كلمة كمبيوتر . وتلفزيون والكترونات
ورادارات .
- نادر : هى إكتشافات ، هى إختراعات .
- الأغا : لا . دا كلام سحر . مقصودك تعمل بيه معمول للباشا
تبعنا .
- نادر : معاذ الله . إسألوا برهان .
- الأغا : وإيش معنى كلمة «دستورية» وديمقراطية ودكتاتورية
وإشتراكية .
- نادر : دى... دى مش عارف أقول إيه .
- الأغا : دلوقتى نك عقدة لسانك . التصاوير دى مش إنت
صانعها ؟
- نادر : أنا معترف وناوى أتوب . ورينا غفور رحيم .
- الأغا : تقوم ترسم الولية عريانة يا خلالي ؟
- نادر : أنا مرسمتهاش عريانة . فبن دى ؟
- الأغا : أهو ، وضحت معالم وشها وكسعت كل تنية فى
جسمها من تحت الهدوم . ما تعرف إن دا يثير الفتن
ويحرك الشهوات والفرائز ؟
- نادر : لا يثير إلا غرائز المرضى وأنا برئ من إالى فى
قلوبهم مرض .
- الأغا : وبأنهى حق ترسمها وهى مش جاريتك ؟ لازماً عملت
معها الفواحش .
- نادر : أبداً . محصلش . أقسم بالله .
- الأغا : يبقى بالقليل شروع فى زنا .

- نادر : دا هي شرع مين يا مسلمين ؟
الأخا : (للحراس) هاتوا المرأة .
(الحرس يدخلونها وهي ترتجف) .
الأخا : إنطقي يا حرمة . إنتي طلبتي منه ينقش رسمتك ؟
أمنة : لا وحياة المصطفى .
الأخا : يعني ماكنش بخاطرك وهو إللى جبرك مش كده ؟
ردى أحسن لك . (يهددها) .
أمنة : إللى تقولوا عليه يا حضرة الأخا .
الأخا : أمى قرت عليك (لها) إتكلمى وزك بإيه كمان ؟
زنى .. وزنى .. أعتق نفسى وأحرر روحى لوحدي .
نادر : إنتى مافهمتنيش (للأخا) أنا كنت بقصد تحرير عقلها .
الأخا : ما تعرف إن عقلها وجسمها ملك لواحد شيرك ؟ (لها)
قالك إيه بالصحيح والمطبوط ؟
أمنة : قالى المرة لازم تتحرر .
الأخا : وتبقى مين المرة دى روخة ؟ إسمها إيه ؟
نادر : مش واحدة معينة > أى امرأة .
الأخا : كمان مايز تقصد علينا صنف النسوان بجملتهم ؟
إحنا قادرين على فجرهم من دلوقتى ؟
نادر : دا كان مجرد رأى مش أكثر .
الأخا : رأى ؟ ومين طلب منك الرأى والفتوى ؟
نادر : محدش ، بس أنا فكرت أن ...
الأخا : فكرت ؟ ومين إذن لك تفكر ؟ وبأنهى حق ؟
أمنة : حرام عليكم هو مالوش ذنب . إللى بوظ عقله راجل
إسمه قاسم أمين !
الأخا : شىء جميل ودا يطلع مين ؟ وهو فين ؟

- نادر : أقرله إيه دا پس ؟
- الآغا : ويتخبى على شريكك ويتدارى عليه ؟ (للحراس)
أضربوه .
- أمنه : (يتأثر) قر يا سيدى يمكن يرحموك (للاغا) سيبوه
وأنا أقولك .
- الآغا : إتكلمى، مين يكون قاسم أمين؟
- أمنه : وهو لوحده؟ دا فيه الطهطاوى والنديم والشيخ محمد
عبدہ وصلاح چاهين وغيرهم ..
- الآغا : دول عصايه بقى ؟ (للحراس) دون أساميهام مشان
نقفشهم، والنهارده كل دول تحطوهم فى الحبوس .
- أمنه : پس دول مش عايشين دلوقتى . دول لسه هيتولدوا .
- الآغا : لسه هيتولدوا؟ آه يا ولاد المجانين . فسرهالى دى .
- أمنه : معرفش، هو إالى قالى كده، هيجوا فى زمن التقدم
بعد سنين ويقننوا الكتب والأفكار دى .
- نادر : لا، أبدأ، الناس دول ماتوا .
- أمنه : أيوه قلت لى ماتوا، لكن هيرجعوا يصحوا تانى .
- الآغا : يصحوا تانى؟ إزاي يا كافر يا ابن الكافر؟
- نادر : لاء هى ما فهمتنيش . قصدى أفكارهم هتبعث من
جديد فى يوم من الأيام .
- أمنه : دا إنت قايلى إتك شفبت بعضهم وعاشرتهم .
- نادر : أنا كنت بكذب عليكى . كنت يسرح بيكى .
- أمنه : إنت عمرك ما كدبت عليا يا نادر .
- نادر : (مذهولاً) يعنى إنتى مصدقانى يا أمنه؟؟
- أمنه : أيوه مصدقك، وماعدتش قابله أبقى جاريه .
- نادر : يا حبيبتى . دا أنا كنت قربت أشك فى نفسى .
- الآغا : الله .. الله (للحراس) أضربهم هما الجوز ولا يرتفع

- عنهم المذاب إلا لما يقرؤا بالصحيح.
- نادر : لا ما فيش داعى، أنا هعترف بكل شئ لوحدى.
- الأغا : ولىش ما قرئت من بدوى؟
- نادر : أنا كنت غلطان لما خبيت حقيقتى، لما ساومت على مبادئى.
- أنتى الى رجعتينى لعقلى يا آمنه، الحل الوحيد للمشكلة إالى إحنا فيها انى اصارهم بكل الحقيقه.
- الأغا : (للحرس) خدوا الوليه دى من هنا. وانت روح بلغ جناب الباشا. قوله إننا فكينا عقدة لسان المتهم.
- (يخرجون آمنه، وتتغير الإضاءه لتتركز على نادر وحده وهو يقف محاطاً بالسلاسل والقيود).
- نادر : أنا نادر غريب المصرى. ولدت فى النصف الثانى من القرن العشرين، فى زمن العقل والتنوير، لهذا فافكارى متقدمة عنكم، تتجاوز كل معارفكم. أتحدث إليكم بلغة الفد، بينما أنتم مشدودون للامس، تعيشون يوماً بيوم، بل أنتم تجتزون الماضى وتحيون عليه، لكى تفهموا ما أقول لابد وأن تدركوا أن مصركم قد ولى وانقضى منذ سنين، وجاءت عصور غيركم، ولكن تغير المناخ وهبت رياح وتوقفت مسيرة الزمن، ثم تقهر إالى الوراء وأنشقت الارض منكم. فإذا بكم موتى ولكن محنطون، وبحكم أن الماده لاتفنى ولا تستحدث من العدم، فعمت من رقدتكم وعاد الماضى وعدتم، هل فهمتم؟
- (تزداد الإضاءه فنرى مراد والسنارى واقفان امامه).

- مراد : دا كلام ما يستوعبه عقل وليس له سابقه من قبل.
- نادر : إذا لم تصدقوني اسألوا برهان، إنه ابن عصري وجاء معي.
- مراد : ابعتوا في طلبه لما نشوف.
- الآغا : دا مجذوب يا باشا، وطامع في كرسي الإمارة.
- مراد : لكن حديثه مثل السحر.
- السناري : لا تسمع له ولا تعطيه ودك.
- مراد : عندي فضول كبير (لنادر) إحكي لي عن زمنك.
- نادر : سيكون العالم في المستقبل قريه صغيره تمتلئ بالمخترعات والمعارف.
- سنعرف تفتيت الذره. والتحكم عن بعد والحاسبات الاتوماتيكيه. والمقول الإلكتروني والإنسان الآلي والقمر الصناعي.
- السناري : إنسان آلي ؟ قمر صناعي ؟ استغفر الله ، الحشيشه أكلت عقله .
- مراد : إن كنت عايزنا نصدقك إحضر لنا الإنسان الآلي .. ورينا القمر الصناعي .
- نادر : أتريدون أن آتى لكم بالمستقبل وأنتم قاعدون خلف النرجيله ؟
- لقد أنكرتم في البداية ما أخبرناكم به ووصفتوه بالإستحالة ثم تحققت منه .
- السناري : لكن إللى بتقوله دا الحين خير مقبول .
- نادر : نفس القول يصدر عن نفس العقول .. تظلون تنكرون وتكابرون حتى يفاجئكم تغيير العصور .. وقتها يكون إعترافكم، إعتراف المقهور، تسيطر عليكم الحوادث والأمور ولا تكونوا عليها مسيطرون .. لو تسمعوني

- بأيديكم أن تلتحقوا بركب الحضارة الآن.
- الأغا : (يظهر) أحضرنا صاحبة برهان..
- برهان : (يدخل وهو يرتجف) خذاكم يا باشا.
- مراد : إسمع إلی بیقولوه صاحبك وقولى رأيك .
- نادر : برهان.. مالم يعرفوا أن هناك عصر متقدم عنهم وأنهم متأخرون لن تحل أى مشكلة.
- برهان : (ينظر بدهشة) نادر.. هل جئنت ؟
- مراد : يعنى سكت ؟
- نادر : لأنك أزعجت يا بك فهو خائف، ولأنك أغريته فهو راقب.. إن كنت تريد الحق أعطه الأمان.
- مراد : إشهد بالحق يا برهان وليك الأمان.
- برهان : تأذن لى إسمع منه وحدى ؟
- مراد : مافى مانع .
- برهان : (يقترب ويهمس) نادر.. أخبرنى بسرعة ماذا تريد منى أن أقول ، وسأشهد فى صفك حتى لو إستدعى الأمر أن أكذب.
- نادر : لا أطلب إلا الحقيقة التى إتفقنا أن نصارحهم يوماً بها. وقد أن الأوان.
- برهان : أى إتفاق ؟ من أى شىء نتحدث ؟ وأى حقيقة تقصد؟..
- نادر : من حضورنا إلى هذا الماضى من عصر الكهرباء والذرة..
- برهان : (مردداً بحيرة) الكهرباء ؟ إيش معنى الكلمة دى ؟
- نادر : برهان.. هل تتظاهر بالنسيان ؟..
- برهان : لا ورسى.. وإن كان أغلب ظنى أنى سمعت بها قبل الآن.

- نادر : لا أصدق.. هل غسلوا مخك؟ هل تم مسح ذهنك بالكامل؟
- برهان : لا أفهم معنى كلامك.
- السنارى : يا باشا ، الوشوشة طالت.
- مراد : بدنا نعرف شىء واحد.. صحيح أنتم من عصر ثانى وإحنا عايشين دا الحين فى الماضى ؟
- برهان : لاحول ولا قوة إلا بالله.. بالطبع لا.. هل تصدق جنابك هذا..
- مراد : لا وإن كان فى هيئته ولسانه لهجة الصديق والأمانة..
- نادر : إسأل نفسك.. إذن، من أين له هذه المخترعات ؟
- برهان : أنا رجل وأحصل ومكتشوف عنى الحجاب ولى كرامات.
- مراد : أى والله وإن كان فى حسك وحركاتك شىء بيقول إنك دجال.
- (لنادر) : يعنى مقصود كلامك إن إالى إحنا فيه سبق وحصل لنا قبل كذا ؟
- نادر : نعم وقرأنا عنكم فى كتب التاريخ..
- مراد : وإيش كتبوا عنى.. قول الحق..
- نادر : مالا يسرك يا بك.
- مراد : يا سنارى الأمر بتفسير المطبعة من دلوقتى..
- السنارى : لا تصدق يا باشا.. دا كلام خرافه.
- نادر : بل الخرافه هى جعل الأمانى والأحلام وقائع وحقائق.
- برهان : ألم يتحقق كل ما قلته لجنايك ؟ ألم تصبح أمير البلاد وسيدها على أفرادك ؟
- مراد : مطلوب تمام .
- نادر : لا، أعطيناك حلما كان بداخلك، لكنك ستفقد يوماً

على الحقيقة.

- مراد : وإيش هي الحقيقة ؟
- برهان : مكتوب أن الله ناهرك وستلقى بأعداءك في البحر يا باشا.
- نادر : كاذب، بل مكتوب أنك تنهزم في أقل من ساعة.
- السناري : (يشرح سيفه) اجز لك رقبته يا باشا ؟
- مراد : وإيش مستعجل، ماورانا حاجة.
- برهان : إنهزامي، لكن الله لن يخذل المسلمين. الله مع المؤمنين.
- نادر : إذا أمنوا وإتقوا الله، لكنه في علاه لا ينصر الجاهلين المتكبرين من أى جنس كانوا أو من أى دين ، فلا نصر بلا قضية وقناعه بتلك القضية لا نصر بلا عدل بلا مساواة بلا حرية.
- مراد : إيش ؟ إيش ؟ إيش ؟
- نادر : لا نصر إلا إذا اقصيت عساكرك عن شوارع المدينة ودواوين الحكومة، لا نصر إلا إذا منعت تجارة الرق والوساطة وتعاطى الذل والشفاعة ومقايسة العدل بأيثار السلامة.
- مراد : دى أفكار غاية في الشناعة والقباحة وما أحب أسمعها بعد الساعة.
- برهان : لا تصدقه يا باشا ، المستقبل زاهر ونجمك مساعد.
- نادر : المستقبل لا تمنعه الشعارات، لن تنتصر بالدعوات أو بالقنايل، وحتى لو كسبت معركة أو أكثر فستخسر الحرب في النهاية.
- مراد : جروه من قدامي، الله يلعنك إنت وأجدادك.
- نادر : ستخسر لا محالة، فليس هناك إنتصارات حقه إلا

- إنتصارات العلم على الجهالة. (ويخرجون به).
- مراد : دبروني إيش أعمل وياه ؟
- السنارى : ينقطع لسانه .. ينقطع ضرره وخطره ويبقى هزأه فى عيون العامة .. وحجة لنا نحطه بيها فى المورستان .. وبعدها يتخوزق أو يشنق لأجل ما يبقي عبره لغيره .
- مراد : نفذوا العقوبة إن ما كان فيه أثقل منها .. (يهم بالتحرك).
- برهان : (بسرعة) لا يا باشا .. إنتظر .. ليس الحل أن تقطع لسانه أو تقتل جسده، فهذا يعقد الأمر أكثر وقد يصنع منه شهيداً أو بطلاً ..
- مراد : وإيش تشوف الحل ؟
- برهان : الحل أن تقهر عقله .. أن تحمله على تغيير رأيه .. فقد يموت هو وتحيا آراءه من بعده .
- مراد : فهمت ، عقلك كبير يا برهان ..
- أمرنا أنه ينضرب بالكرابيج حتى يظهر حق من إثنين، إن غير كلامه وتاب وأناب يكون شفى من داءه .. وإن فضل على تخليطه وأوهامه يموت م الضرب ويكون أخذ جزاءه .
- السنارى : يا باشا دى حيلة لأجل ما ينقذ رقية صاحبه .
- مراد : (لبرهان) وإنت إالى عليك تصلحه وتهديه وإن فلحت كافئناك واقطعناك فدادين ياما، تكون عليها أستاذ وملتزم .
- برهان : سأجعله يغير رأيه بإذن الله .. (ومستدركاً) ولكن إذا لم أقدر ؟
- مراد : إن ما فلحتش إالى هيجرى عليه يجراك إنت راخر ..

- السنارى : ويكون ذا على يدي المره دى..
- برهان : (مرتبكاً) فى هذه الحالة أظنى مهلة كافية..
- مراد : خذ عرض من اليوم ثلاثة.. بينا يا سنارى..
(يتحرك)..
- الأغا : (للحراس) إحضروا المتهم.
- مراد : (متوقفاً) إسمع يا سنارى جانى هاتف..
- السنارى : أمرك يا باشا.
- مراد : الإستحراس واجب.. عاوزك تجيب الشيخ إالى إسمه
جبرتى وتخليه يحلف ع المصحف بالعافية، لو حصلت
الكسره عليا، الله لا يقدر، ما يجيب سيره فى
تواريخه بكلام المجذوب دا. مش عايز الناس بعدينا
يقولوا أنهم حذرونا وما وعينا.. والله المستعان
(يخرجان).
- برهان : (للأغا) ممكن تتركوا لى المتهم على إنفراد ؟.
- الأغا : هافى مانع.. (ينصرف).
- الجلاد : أنا الجلاد، إمشى أنا راحر..؟
- برهان : نعم لن تكون لى حاجة بك (ثم مستدركاً) ولا
إستنى.. لن أستخدمك لكن يستحسن أن تبقى عند
الباب بحيث يراك دائماً والسوط فى يدك.
- الجلاد : مفهوم (ينسحب للركن بينما يدخل الحراس نادر فى
القيود ويخرجون).
- برهان : نادر ، أعذرنى لا أعرف ما الذى حدث لى. لقد
نسيت فجأة كل شىء وكأنى فقدت الومى .
- نادر : والآن هل عاد إليك وعيك المفقود وتذكرت ؟
- برهان : نعم ولكن للأسف، فات الوقت.
- نادر : جبان.. إنتهازى حقير.

- برهان : إسمعنى، لقد فعلت المستحيل وإنترزعت منهم . أمراً
بالأفراج هناك .
- نادر : حقاً؟ لا أصدق .
- برهان : اى والله، فقط مطلوب منك ان ترجع عن كلامك .
- نادر : إذن هذا هو ثمن الحرية، التنازل عن عقلك، ليبقى
لك مجرد رأس فارغ فوق كتفك .
- برهان : افهم، لا أريدك أن تغير رأيك . فقط تظاهر بذلك، لن
تخسر شيئاً، إحتفظ بأفكارك لنفسك داخل جمجمتك .
- هل هذا صعب؟
- نادر : التفكير لا يمارس فى الخفاء، عندما يصبح التفكير
كالمعاده السريه لا يتولد عنه شئ ذو قيمه .
- برهان : وما جدوى تمردك إذا لم يترجم إلى عمل، مهما قلت
لن يصدقك أحد، وما أنت حاولت وفشلت .
- نادر : حاولت وحدى ، وحاربت أنت خدى .
- برهان : وهل كنت تضمن لى حياتى لو أمنت على كلامك؟
- نادر : لا، لكن مامعنى ان نتمسك بالحياة فى اللا حقيقه ؟
- لم يخلق اللسان ليخرس ولا العيون لتنفلق ، مامعنى
ان نسير الى خلف وان نصعد الى اسفل ؟
- ان يكون غدك هو أمسك ؟
- برهان : على العكس . انت تطلب المستحيل . اما انا فأفعل
ماهو ممكن لكى اصنع التغيير .
- نادر : واضح . وبدأت بنفسك فمسحت ذهنك وأنكرت عملك .
- برهان : انا ما أنكرتش حاجه . افهم يابنى آدم .. انا
أنتظاهر .
- نادر : إلى حد الإندماج ؟ .. أنا صدقت إنك بقيت منهم
فعلاً .

- برهان : أنا ماعملتش أكثر من إالى عمله جاليليو، ماكنتش هيسنفيد حاجة لو أصر أن الأرض بتلف إلا موته.
- نادر : جاليليو كان المستقبل قدامه.. لكن إحنا المستقبل بقى ورانا.. ومافیش لحظة نخسبها.
- برهان : (ساخرا) عشان تظهر شمس الحرية والإخاء والمساواة هه ؟
- نادر : قصدك إيه ؟
- برهان : مش دى شعارات الثورة الفرنسية؟ أنا إالى مش قادر أفهمه إنت ليه مصر تمنع دخول الحملة ؟ مش هى دى إالى هتساهم فى دخولنا العصر الحديث ؟ مش هى دى إالى هتمهد للتغيير إالى إنت عايزه ؟
- نادر : عملته بأيدهم مش بأيدنا.. فرضته بالقوة، على طريقتهم مش طريقتنا.. لصالحهم مش لصالحنا ودفعنا تمنه آلاف الضحايا وسنين عذاب وخراب لفترة طويلة..
- برهان : تمن رخيص بالنسبة لتغيير هينقلنا من العصور الوسطى للعصور الحديثة.
- نادر : إنت بتتكلم كأنك ضامن هزيمتنا.
- برهان : أنا عملت إالى عليا.. إديتهم القنابل والمخترعات وقلنا لهم ميعاد الضربة بالتحديد لكن أنا مقدرش أضمن النتيجة.. وإفترض إنهنزمننا.. إيه إالى هيحصل ؟ الحملة هتخرج بعد ثلاث سنين ومن قير ماتحقق أى نتيجة لفرنسا، بالعكس إحنا إالى هنستفيد، هنعرف المطبعة والجريدة والمسرح والطب وأدوات العلم.. ونكتشف كنوزنا الأثرية، هنعرف المطاعم والنظام والنظافة.. هيبقى لنا خريطة.

- نادر : (بدهشة) يعنى إنت بتأيد أن العملة تنجح..
- برهان : أنا لا بأيد ولا يعارض.. أنا راجل علم محايد ويقرر الحقيقة.
- نادر : لا، حماسك بيقول إنك قاعد تستنى دخول نابليون.
- برهان : إفهم، نابليون جاي سواء إستنيته ولا لا.. ولحد ما ييجى مافيش قدامى حل غير أنى اللعب فى الوقت الضايغ.
- نادر : ولما تلاقى مدافع نابليون بتخرب فينا إيه هيكون شعورك.. إيه هيكون موقفك..؟
- برهان : وسط الجماهير، همشى ورا عمر مكرم وهو نازل بالبيريقي النبوى، إرتحت ؟ هتفت مع الناس زى ما قرينا فى تاريخ الجبرتى « ياخفى الألفاظ نجنا مما نخاف..»
- نادر : بدل ما تقود الناس يا دكتور العلوم والتكنولوجيا، تنقاد لأهل الماضى وتهتف مع الدراويش ؟
- برهان : الدراويش هما أ عقل ناس فى البلد دى.. يمكن تفتكرهم جهلة أو متزمتين لكن بالعكس هما بيصرخوا لأنهم بفطرتهم السليمة حاسين فى أعماقهم بالنتيجة، بأن علمهم ناقص وسيوفهم عتيقة فلا بد تدور عليهم الدوائر وعشان كده كل إللى يملكوه الدعا أن ربنا ينجبهم بمعجزة.. ماعندهمش ضرور المثقفين أمثالك بأنهم قادرين على التغيير، ومهما صوتهم على.. هما فى الحقيقة ما بيطلبوش رد القضاء لكن بيطلبوا اللطف فيه.
- نادر : لا.. أنا أحارب المحتلين ولو جم ألف مرة.. أموت تحت قصف مدافعهم حتى لو إنكسرنا ألف مرة..

حتى لو كان سلاحى مجرد حته حجر فى كل مرة.
برهان : كلام حماسى جميل، لكن خرافى زى الخرافات إالى
هايز تحاربها.. الإنسان مش ممكن يموت أو يعيش
إلا مرة واحدة..

نادر : اليأس وحلك للخيانة.
برهان : لا.. المعرفة.. العلم وصلنى لانى أتكيف.. أهم ميزه
بيتفوق بيها الإنسان عن الحيوان هى قدرته على
التكيف العقلى مع الواقع.

نادر : الإنسان هو الكائن الوحيد إالى يملك القدرة على
نقد الواقع وإستخدام إرادته فى تغييره، الحيوان
بس هو إالى بيتكيف مع أى وضع بدون إعتراض.

برهان : أنا حاولت وإنت شاهد.. لكن إحنا فى زمن متمسك
بجهله، ومدام مش حنقدر نغير عصرنا يبقى ع الأقل
ننقذ نفسنا.. مافيش فرق إنك تعيش فى فقر بسبب
مراد بيه وبين إنك تعيشه بسبب نابليون بيه، كلهم
بهوات.

نادر : لا، فيه فرق.
برهان : الفرق أن نابليون فقره أنصف ومرتب أكثر، مافيش
فرق إنك تتعذب على أيد مراد بيه أو تتعذب على أيد
نابليون بيه اكلهم بهوات.

نادر : لا.. فيه فرق.. إنت بتسفسط..
برهان : إن كان فيه فرق دلنى عليه.. (يشير إلى الجلد
فيخرب نادر).

دا بعض إالى هتشوفه على إيدين مراد بيه.. إيه
الفرق؟ إتكلّم..
نادر : أه، خاين.. عميل.. كافر..

برهان : (ضاحكاً بعصبية) بقيت بتقول الفاظهم .. اخون مين؟
 ما إنت عارف إल्ली هيعمله مراد، وشيوخ البلد،
 بعضهم هيبيع نفسه بالكامل .. وبعضهم هيمسك
 العصايه من الوسط، وإल्ली هيقاوم فيهم هينديج.
 هاي زنى أقاوم وأنديج ؟ مشان إيه مشان نخرج
 الفرنساويين ويرجع الترك ؟ .. والترك يخرجوا مشان
 ييجى الإنجليز؟ .. ونطرد الإنجليز مشان ينزرع
 الصهاينة وسطنا ويشغلونا بحروب لمدة أربعين سنة ؟
 دا إल्ली حصل مش هنا ويس فى الوطن العربى كله ..
 من المحيط للخليج فى القارة السوداء كلها، إल्ली
 حصل لبلاد العالم النامية، سورى قصدى النامية
 مشان ماتزعلش (ثم بهدوء وتعجب) دا قانون قديم من
 ساعة ما الدنيا إتخلت، البقاء للأقوى .. فوق ياعم
 نادر .. وقول يا باسط وسيينا نعيش اليومين إल्ली
 فاضلين لنا.

نادر : (بعد لحظة صمت ووجوم) برهان .. سيبيهم يقتلونى ..
 ماعدتش هاي ز أعيش الأيام دى.

برهان : (برقه) أبداً .. المسألة ببساطة .. أن حالة الاكتئاب
 رجعت لك.

نادر : الظاهر عمرها ما فارقتنى.

برهان : لو سمعت كلامى هتخف ..

نادر : (بنغمه بكائية) الأسهل تسببهم يموتونى .. أنا مش
 هاي ز أعيش الأيام دى.

برهان : أسهل من أننا نموت .. تغير رأيك ..

نادر : (بعناد مفاجئ) لا .. دا الموت الأبدى .. أنا هاي ز
 أموت فى هدوء وسلام مع نفسى .. أرجوك .. مش

هايز أعيش الأيام دى..

برهان : (بهياج) وأنا مالى.. تموتنى معاك ليه يا إبن
المهقوفة (يخطف السوط فجأة من يد الجلاب ويضربه
بغل مع كل جملة) آمال هايز تعيش فى أنهى عصر ؟
(يضربه) هايز ترجع لآلف تسعمية ثمانية وثمانين
(يضربه) كانت مجباك عيشتك قوى وإنت حته مدرس
شحات معفن (يضربه) ولاهايز تنط ع القرن الواحد
وعشرين طوالى (يضربه) ماتعرفش إنه هيبقى القرن
اليابانى أو الصينى ؟.. إنت مجنون ضيعت نفسك
وضيعتنى معاك (يلقى بالسوط فى تعب) ليه خلتنى
أهذبك، أنا عرضت نفسى للموت هشان أنقذك
(بتعاطف) أفهم يا نادر.. الفلظ مش فى أى عصر..
الفلظ فيك إنت (مشيرا' بأصبعه إلى رأس نادر)
الفلظ هنا .. هنا .. نادر.. رد عليا .. أتكلم.

نادر : (يزوم ويثن وهو فى شبه غيبوبة).

السنارى : (يدخل) بكفاية تعذيب للمتهم .. الياشا عاود النظر
فى الأمر.. وقرر إطلاقه لحال سبيله.. مش رايد
يواجه الفرنجة ودم حد فى رقبتة.

برهان : خريبة ومين إالى شار عليه يغير رأيه وسياسته.. ؟

السنارى : الامرا والسلطين مايففروا رأيهم أبدا، لكن
بيحرصوا أنهم يدوا الأحكام نفسها أسامى
مختلفة.. هشان العامة ما يفهموش أن كل أيامهم
واحدة ومتشابهه (يشيرا للحراس) فكوا قيوده..
وحطوها فى أيد صاحبه (يقيدون برهان فى الحال).

برهان : دى مؤامرة دبرتها خدى لأنى فزت عنك بالخطوة.

السنارى : إنت خريب هنا ومن ملتنا.

برهان : لكن أنا متمسك بتقاليدكم أكثر منكم.
السنارى : الأمير زهق منك لأنك بتزايد عليه.. ودى لعبة خطره..
برهان : أنا اعتذر ، لكن أنا متهم بإيه ؟
السنارى : كل إالى قلته إتسجل عندنا وسمعناه على الإسطوانة دى..
نادر : (بدهشة وهو واقف مكانه) الله أكبر.. أدخلنا التكنولوجيا الحديثة وهضمنا أصول الحضارة.. رفعتنا راية التقدم.
(إظلام)

ح. برهان : اهدأ يا نادر، كفاية ، إحنا وصلنا للنهاية..
ح. نادر : لا.. مش هي دى النهاية.
ح. برهان : تحب تعرف مصير مراكب مراد بيه إالى ملاحا بالقنال والذخيرة ؟ المركب ما دخلتش المعركة م الأصل، فضلت واقفة فى النيل قدام قصره عشان تحميه هو.
ح. نادر : وبعدين ؟
ح. برهان : إرجع لتاريخ الجبروتى متلاقى الإجابة فى الفقره دى.
«وكان السبب أن مراد بك لما رحل من الجيزه، أمر بأنجرار الغليون الكبير من قبالة قصره، فمشوا به قليلاً ووقف لقلة الماء فى الطين.. وكان به عدة وأفره من آلات الحرب والجبخانه فأمر بحرقه».
ح. نادر : يعنى المشكلة مش نقص فى أدوات العلم والتكنولوجيا، المشكلة أننا ما بنفكرش بمنهج العلم

نفسه..

من . برهان : الله .. رايع فين ..

من . نادر : لازم ننبه الناس .. دي فرصتنا الأخيرة .

المشهد (٩)

- المنظر : الحسارة..
نفس الأشخاص كما رأيناهم فى المشهد الخامس
ينفس حركاتهم.
(يظهر نادر بوجه شاحب زائغ النظرات يعلق فى
رقبته لوح كتب عليه أ . ب . ت يدخل وسط زفة من
المارة).
الناس : يا درويش إن شالله تعيش.
نادر : يا أهالى مصر، ياناس يا مؤمنين.. أصبحنا على
أعتاب قرن جديد فماذا أنتم فاعلون.
أصوات : يا لطيف ويا لطيف.
نادر : يا ناس.. يا مصريين.. الفرجة قادمون بعد شهر..
فماذا أنتم فاعلون ؟
شيخ : (ممسك بميكروفون) الجهاد.. الجهاد يا مسلمين.
نادر : ومتى تجاهدون أنفسكم وتنتصرون على نواقصكم
حتى لا تجئ أيام يتولى أمرنا عدونا ؟ قولوا
للبكوات إلا يضعوا كل العتاد والذخيرة فى مركب
واحد والا يثقوا بعد الآن بقبطان جاهل.. قولوا لهم
أن يحتسبوا عمق الماء قبل أن ينزلوا فيه.. وأن
يوجهوا الدفة لكى يعبروا إلى عصر النهضة.
القهوجى : ماتخدوش على كلامه.. دا أصله ولا مؤاخذه (يشير
بعلامة الجنون).
نادر : ولن تنهضوا إلا إذا مزقتوا أكفان القرون الوسطى..
لن تنهضوا إلا إذا دفنتم الموتى.. النهضة يا ناس
النهضة.
الشيخ : حاربوا الخلاعة، حاربوا الفسوق، حاربوا المجون.

نادر : ما زال هناك وقت وفرصة .. أعطوني أطفالكم وسأبدأ معهم من حرف الالف، أيها الأطفال أعلّموا أن حرف الالف يسبق حرف الباء، وأن العربية تأتي دوماً بعد الحصان، وأن الفعل المضارع يلي الفعل الماضي وليس العكس... ليس العكس.

الشيخ : حاربوا التبرج، حاربوا السفور..
نادر : لا تخدعكم لغة الأباء .. لا تقل ضرب يضرب .. جهل يجهل .. لأنه إذا تشابهت الأفعال، فكلها زمن واحد.. ومستقبلك هو نفسه ماضيك، بل قل علم فعل مضارع .. قل يجهل فعل ماضى .. وأنتم تعيشون الماضى لا الحاضر فغيروا ماضيكم ..

الشيخ : حاربوا البدع .. حاربوا الضلالات .. حاربوا السفافات حاربوا السخافات ..

نادر : لا تخلطوا الرأى بالخبر، لا تخلطوا الحلم بالواقع، لا تستسلموا للمألوف والمعروف وأعملوا حساب القدر قبل اليوم، ونظموا أنفسكم ولا تجعلوا الوقت يسرقكم.

الشيخ : حاربوا الشعر، حاربوا الكتب، حاربوا الصناعة حاربوا الرقاعة.

نادر : لا يخوفكم أحد بأنه ليس كل ما يعرف يقال .. لا تخشوا مرارة الحقيقة ولا تزينوها، فإن ذكرنا تسعة وتسعين بالمائة منها نكون قد زيقناها كلها .. فلا نخدع إلا أنفسنا بينما تبقى الحقيقة على حالها . وأعلموا أن أقصر الخطوط بين نقطتين هو الخط المستقيم، وأن الأرض تدور حول الشمس فتشرق عليها من الشرق وتغرب من الغرب وأن الكون ليس له

سقف فكل رأى يقبل النقاش والجدل.

- المجذوب : (صارخاً فيه) إنت بتقول إيه ؟
الناس : يا درويش إن شالله تعيش..
الشيخ : لقد خص الله الأجانب بالعلم والتقدم وسخرهم ليخترعوا ويبتكروا لخدمتنا ففتقرغ نحن لعبادته سبحانه وتعالى وندخل الجنة من أوسع أبوابها .
نادر : لا تخشوا قوة القنائل، فإنها ليست أشد فتكاً من قوة الجهل، تحصنوا بالمعرفة.. تزودوا بسلح العلم، فالحرب علم والسلم علم والشجاعة علم والشعر علم، والإيمان علم والرحمن علم الإنسان.
أصوات : ياخفى الألفاظ نجنا مما نخاف .
نادر : مستحيل.. هذا هتاف العامة وقت نزول الحملة.. لكن الحملة باق عليها فترة، هل إختل ميزان الوقت وأخذ في التسارع بجنون أم نحن الذين نتحرك ببطء.. وكأنتا جامدون ؟
شخص ١ : إللى تخاف منه...
شخص ٢ : ما يجيش أحسن منه...
شخص ١ : ويا خبر بقلوس..
شخص ٢ : بكره بيقى ببلاش.
نادر : لا، الحملة آتية لا ريب فيها، إن لم يكن اليوم فغداً، ولكن لم يكتب عليكم هذا التاريخ بعد، يأيديكم أن تكتبوه الآن.. أن أربعين قرناً تنتظر إليكم من خلف الأهرامات فماذا تنتظرون؟... إسمعوا (ينصت لحظة فنسمع دوى قنبلة) هذا صوت مدافعهم (صوت طابور عسكري) هذه طلائعهم (موسيقى تشيد المارسيليز) هذه أناشيدهم.. قادمون.. الفرنجة

قادمون.. ولكن لا...

- المجنون : لاحول الله حسى .
نادر : ردودا معى يا خفى الالطاف. لن نستسلم، لن نخاف.
(تتغير الإضاءة، ونسمع أغنية «قوم يا مصرى» فى الخلفية سرعان ما تختلط بها أغنية لولاكى مذاحه من راديو ونسمع مؤثرات كلاكسات سيارات ونداءات بأمة صحف، لنكتشف أن المشهد يحدث فى الحاضر، يساعد على ذلك أن الشخصيات والمارة الذين نراهم لم تتغير ملايسهم أو مهنهم منذ ذلك العصر).
نادر : (يكرر بهوس) لن نستسلم لن نخاف.
(يظهر برهان ببذلة عصريه يحيط جماعه يهتفون له).

- أحدهم : تنتخبوا مين ؟
الجماعة : برهان الدين .
أحدهم : وحببيكم مين ؟
الجماعة : برهان الدين .
برهان : (يخطب فى الناس) إخوانى، أبناء الداييره، مشان خاطرلكم ولأجل إنبساطكم بعمل كذا وأسوى كيت.
(الجماعة تصفق وتهتف باسمه).
نادر : (وقد إنتبه مندهشا) برهان؟ أين لحيتك ؟
برهان : نادر؟ إنت لسه ماروحتش البلد من ساعتها؟
نادر : الحمله على الأبواب يا برهان.
أحدهم : إسمه برهان بيه.
نادر : (بدهشه) هل أصبحت من البكوات ؟
برهان : فوق يا نادر. المناقشه خلاص أنتهت.
نادر : أنتهى وقت النقاش، وجاء دور المعركه.

- برهان : (بصوت عال) نعم. المعركة الإنتخابيه يا إخوانى
سلاحها الكلمه النظيفه.
- نادر : كاذب. المعركة سلاحها الحقيقه.
- برهان : أنا الحق عليا إني دخلت بيتى الاشكال دى.
- نادر : إخرس يا خائن يا عميل الفرنجه.
- برهان : أندھوا اليوليس، احمونى منه.
- (أتباع برهان يمنعون عنه نادر).
- نادر : لقد باع قضيتكم وقبض ثمن هزيمتكم.
- شرطى : (يدخل) إيه التجمهر إالى إنت عامله دا يا فندى ؟
- برهان : دا مجنون يا شاويش.
- نادر : (للشرطى بدهشه) أأنت من الالاضيش ؟
- الشرطى : إنت باين عليك خطر على الامن (يمسك به).
- نادر : أفهمنى يا حضرة القلق، هو الخائن عميل الفرنجه لا
انا.
- برهان : لا حول ولا قوة إلا بالله (يشير لاتباعه فيحملونه على
أكتافهم)
- تنتخبوا مين ؟
- الجماعه : برهان الدين.
- برهان : وحيبيكم مين ؟
- الجماعه : برهان الدين (ويخرجون بسرعه)
- نادر : أمسكه، لا تدعوه يقلت. سيهرب أمواله قبل دخول
الحمل.
- الشرطى : إبقى قول الكلام دا فى القسم قدام الباشا.
- نادر : الباشا الوالى شخصيا؟ (يتلفت بذهول) أنا فين؟
- إنتم مين؟ إنتم الماضى ولا الحاضر؟
- الشيخ : حاربوا العلم.. حاربوا التعليم.. حاربوا الفن..

حاربوا التليفزيون.. حاربوا البنوك.. وتبرعوا لبناء
مسجد شبرا .

الشرطى : إنت هتمشى قدامى وإلا اجرسك؟
نادر : تجرسنى؟ إذن أنا لم أخرج من جب الماخى بعد، فى
أى زمن نحن؟ فى أى عصر؟.

الشرطى : إحنا فى عصر الحشيش والهيروين تسمع عنه؟ إحنا
فى السنة السوداء إالى خلتنا نبتلى بأمثالك.

نادر : مستحيل، هل عاد نفس المستقبل يتكرر؟ كيف
والحاضر لم يبدأ بعد؟

(والشرطى يجذبه للخلف بينما يحاول التشبث
بمكانه)..

لا.. أيها المستقبل تمهل، فنحن لم ننجز شيئاً بعد
ولم نستعد، أيها المستقبل تمهل حتى نلحق بك.. لا
تأت إلينا الآن.. تمهل.. تمهل.. (يثبت الجميع بينما
تسمع صوت بلاغ البداية بصوت نادر).
(ستار النهاية)

♦ أهلا بابكوات للمؤلف المسرحي المرموق لينين الرملى تأتي على خشبة المسرح القومى فيصبح مكتظا بالجمهور مشيرا للجدل والنقاش مستردا شجاعته وحيويته.

أحمد بهاء الدين - الأهرام

♦ بظهور هذه المسرحية يكتمل العالم الفنى الذى سيطر على الأعمال التى ظهرت للمؤلف وانشغل خلالها بمناقشة حرية الإنسان ووجوده.

عبد الرازق حسين - الوفد

♦ وسط هذا الحشد الكبير من المواقف الضاحكة المؤسفة، تتألق كالدرر الثمينة بين الحين والآخر روح رومانسية مجنحة.

فؤاد دواره - الكواكب

♦ فى تقديرى أن لينين الرملى أجاد استخدام أدواته المسرحية عندما قدم لنا هذه القراءة الدرامية لتاريخ المائتى عام الأخيرة من تاريخ مصر.

لطفي الخولى - الأهرام

♦ المسرحية تستحق التحية لأنها بالدرجة الأولى فى صالح الكلمة الحرة الشريفة.

لويس عوض - الجمهورية

♦ لينين الرملى بخبرة مسرحية يحول كل هذه الكتل والأحجار التاريخية الى قطع من البونبون والحلوى.

صلاح منتصر - الأهرام

